

FAUSTI SOCINI SENENSIS

Ad

ANDREAM DUDITHIUM

EPISTOLÆ

Ex Italico in Latinum
conversæ

à

M. R. H.



RACOVIA

Ex Officinâ Sternacianâ.

Anno Christi

1635.

Ad L E C T O R E M 3

Præfatio.

L E C T O R,

Fauſti Socini Epiſtolas ad amicos
formis ante aliquot annos deſcri-
bendas curavimus. Nam fas non
erat, ut, aut intra privatos amico-
rum parietes premerentur, unde
magnum bono publico accederet
momentum; aut perpetuis damna-
rentur tenebris, quæ veritati ſub
ſpiſſâ errorum caligine luſtanti
plurimum lucis ſuffunderent. Ob-
hæſerunt tamen eâ tempeſtate pe-
nes nos paucæ quædam ad ma-
gnum olim DUDITHIUM ſtylo au-
ctori patrio conditæ: non quòd
ferre nequirent orbis eruditi ocu-
los; meliora quippe tanti viri ſubli-
me ingenium ominari jubet; ſed
quod non magna curæ pretia no-

A 2

bis vide.

bis videremur facturi, si illas peregrino & in vulgus, cui maximè cupimus, non perinde noto sermone extruderemus. Verùm ne ætatèm laterent foetæ multarum bonæ frugis rerum epistolæ, ecce tibi Vir quidam humanarum divinarumq; literarum juxta eruditus felicem illis manum admolitus est, & veteri detractò schemate, cultu latino eas donavit. Isto jam ornatae carceribus suis emittuntur, conspectumq; tuum, LECTOR, subeunt: Tu porrectâ fronte eas suscipe, & cum seriâ lectionis curâ, tum sincerâ judicii æquitate calcar ad majorem in commodis tuis accurrandis alacritatem nobis admove. Vale.

Epistola I.

FAUSTUS SOCINUS ANDREÆ
DUDITHIO S.

TV verò, Vir illustris, iū me honoribus cumulas, ut incipiam desiderare, ut quamprimum cognoscas, quanto sim minor eo Socino, quem alii nescio quibus tibi coloribus depinxerunt, quemq, tu me pro humanitate tua credere velle videris. Id enim si fiat, minuetur grave illud æris alieni, quo tibi sum obstrictus, onus, quod humeris tu meis, ultra id, quod tam antea mea in me sponte receperam, imponis. nam ut aliud clausum in pectore, aliud in lingua te promptum habere credam, nemo mihi persuaserit. Sperabam quidem prout tibi scripsi, jam nunc me debito, quod ex illâ quaestione à te mihi jam pridem propositâ contraxi, responsum tibi meum remittendo exiturum. Verum, tamen consilium id, de quo tibi scripsi, quod semel quicquid hoc est laboris exhaurire vellem, tantum in me potuit, ut effecerit, quo contra quàm ab initio statueram, pluribus verbis scriptum hoc meum detexerem, quàm, quo ære me tuo intra statum tempus levarem, necesse habebam. Credo præter id consilium, quod dixi, hanc quoq, moræ causam subesse, quod vernacula lingua voluerim scriptum id deducere, atque ita visus mihi sim non pro Dudithio, sed pro hominibus plebejū & rudibus, qui nisi clarum, ac proinde prolixum habeas sermonem, nihil intelligunt, desudare, idq, non ut simpliciter sententiam

meam exponerem, sed & alios erudirem. Nollem
tamen eò te existimare futurum, ut hic labor meus
in volumen aliquod ingens excrescat, (intra paucas
enim chartas consistet) sed usque eò nihilominus
productum iri, ut, cum non nisi paucas horas quaq;
dierum hebdomade ei impendere queam, multosq;
ordine dies integros transmittere cogar, quibus ma-
num ei non adhibeam, satis superq; sit causa, cur eo
tu nondum frui queas. Illius in vicem novæ questio-
ni, quam mihi proponis & in plura capita dividis,
breviter jam respondebo, sumptâ ex eo audaciâ,
quod acquiescere te illis, quæ objectioni prius à te mi-
hi proposita reposui, videam. Quod igitur ad offici-
um cuiuscunq; privati militis sub magno illò impe-
ratore attinet: res meo iudicio certa est, pugnan-
dum illi atq; contra hostem veniendum esse, quoties-
cunq; aut iste se ei offert, aut ipse cognoscit, verive si-
mili ratione inductus credit, posse se, ne damnum
det iste, impedire. Sed si rectius rem intelligere ve-
limus, siquidem insistendum est metaphoræ, id explo-
ratum est habendum, quinam hic hostium nomine
veniant. si autem revera non sunt homines, nec cui-
quam militum bellum suscipiendum est, ut cum ho-
minibus ullo armorum genere confligat: Sed cum vi-
tiis ac demonibus immundis, cum res ita tulerit, pu-
gna ei conferenda est, non ut imperatoris sui hono-
rem tueatur, (nec enim hic est militis scopus, atq; ita
metaphoræ non insisteretur) sed ut hostibus fufis vi-
ctoriam consequatur, idque ipsum armis prælio huic
convenien-

convenientibus, qualia à Paulo ad Ephesios sexto capite, & ex parte in priori ad Theſſalonicenſes epistolâ capite quinto versiculo octavo descripta sunt. Quod si tamen velimus, interdum adversus homines arma capienda dimicandumq; esse, prout sine dubio aliquando usu venit: translatio non à milite, quâ miles est in acie sub vexillo ad præliandum collocatus, sumenda est, sed à famulo, aut eo, qui ditioni alterius subjectus est, aut & à milite, non habitâ tamen ejus ratione, quod officio sibi proprio fungatur, aut denique ab id genus aliâ tali cum aliâ necessitudine conjunctis, ut ad propugnandum eorum honorem contra omnes obrectatores non aliter sint obstricti, quàm ii, quos diximus, ad honorem sive domini, sive magistratus, sive imperatoris, contra quoscunq; obrectatores defendendum sunt obligati. Tum vero, quemadmodum iii, quos diximus, illud factendum non incumbit, nisi cum ipsis presentibus sit convitium, si modò aliâs ille, cujus honori detrahitur rem probè notam habeat, & ad honorem suum asserendum ipse viribus satius polleat, aded ut magis civilitate quadam, quàm necessitate, ut ejusmodi defensionem suscipiant, teneantur: ita etiam, ut clarè, quod sentio, loquar, Christianus qui sub Imperatore suo Christo stipendia facit, non debet, aut saltem nullâ lege cogitur in pugnam prodire & configere cum ullo hominum, quantumcunque ille de Christo malè loquatur, nisi id ipso fiat presente, ita ut silentium illius in assensum trahi, atque ipse

parum Imperatoris, Magistratus ac Domini amantem se prestare videri queat. aliàs enim nullum est periculum, ne suum Christus ipsemet honorem satis tueatur, quippe qui omnia & novit & potest. Id quidem verum est, cum Christus hominum operà multa peragere soleat, variisq; modis honorem suum defendat, si quis ejusmodi ab eo munus recepisset, cui defensio honoris illius incumberet, jam non satis fore, si, quod ipso presente actum esset, ad animum revocaret, sed convenire, ut, quacunque ratione dedecus illatum fuerit, ipse secundum legem muneris, quod gerit, obviam contra veniat: id quod & in exemplis illis ex communi hominum vitâ sumptis usu venit, nec in eo quicquam contra regulam supra positam delinquitur, quæ nonnisi ad vulgus hominum pertinet. quod hominum vulgus, (quo nomine comprehendendo omnes vulgariis communisq; sortis) ne ipsum quidem existimem ea lege semper teneri, ut quilibet criminationem se presente ab aliis jactatam propulset, quoties ex ejusmodi propulsatione plus mali, quam boni nasci possit, ac præsertim si se iis jam ante, quas partes sequatur, palam aperuerit. Quamvis autem à circumstantiis variis ratio officii debiti multifariam mutari queat, finis tamen ea est vis, ut facinus aliquod vituperatione, aut laude, aut saltem excusatione dignum efficiat. Si quis enim id metu adactus, non autem quo majus evitaret malum, faceret, quamvis tacendi & tempus & locus foret, meritò tamen, si taceret, reprehenderetur. Ita etiam si

etiam si quis vindicationem istam sibi sumeret, aliud spectans potius, quam ut officium præstaret, vituperationem jure subiret, quamvis aliàs vindicatio rectè atque ordine susciperetur. Et vicissim is, qui eo solo, quem commemoravimus, respectu impulsus contumeliam indignè intortam retunderet, si id tempore & loco commodo faceret, laude aut saltem venià dignus esset. Sed veniamus ad illud Servatoris nostri dictum, Qui me confessus fuerit, & quæ sequuntur. Hic mea ista est sententia, Christianos communis sortis, & quotquot inter eos privatam agunt vitam lege nulla teneri, ut aliud, quam quod Marci VIII. capite versiculo XXXVIII. legitur, præstent, hoc est, ut nihil eos nec Christi, nec sermonum ejus coram mundo pudeat; quo id, ut ego quidem existimo, significatur, ut liberè se servos & sectatores Christi profiteantur, seq; præceptorum illius observantes palam testentur. Non ergò hoc illis incumbit, ut cuique hominum, & in quovis loco omne id, quod sentiunt, aut verum est de Christo aperiant: sed illud solum, quod, ut illi mos geri possit, scitu necessarium est, & ad obedientiam mandatis illius præstandam pertinet. Enimverò non pauca sunt etiam ex iis, quorum causâ una Ecclesia nunc temporis divortium cum altera facit, quæ dicuntur, aut dici de Iesu Christo possunt, idq; verissimè, quæ tamen ejus generis non sunt, ut, etiamsi quid aliquid iis contrarium amplexus sit, Christo tamen obsequium exhibere nequeat, & quodcunque juberit, exequi. Non

ergo necesse est, ut hi tales sententiam suam de ejusmodi rebus proferant, præsertim si hanc ab iis nemo exquirat. Quod si exquisita ea fuerit, nihilominus cum bona animi conscientia possunt aut nihil respondere, aut respondentium præbere speciem, & interea sermonem aliò derivare, idq; tantò magis, si intelligi possit, inquisitorem id bono animo, bonoq; fine non agere. Vt qui apertè contrarium ei, quod sentit, asserat, ut ut ejusmodi de re, in qua salutis cardo non vertitur, ego quidem id nunquam laudaverim, imò verò graviter potiùs vituperaverim: mendacium enim nunquam non turpe in rebus alicujus momenti habendum est, maximè verò divinis, inter quas nulla tam parum ad salutem interest, ut non pro magno putandum sit, veram de eà notitiam animo comprehensam habere, ob nexum arctum, quo omnes inter se sunt devinctæ, id quod in omnibus aliis rebus veris, quæ ad unum aliquod argumentum referuntur, locum habet, aded ut nulla opinio falsa per seipsam tam exigui sit ponderis in rebus divinis, quæ, si quilibet inde omnia, quæ illam necessariò consequi videntur, deduceret, ex eo, quod indifferens aliàs haberi posset, detestatione digna non evaderet. Nec tamen eò dicerem, si qui hac in parte errore ducatur, nullam ei veniæ spem esse propositam, modò firmum in animo ejus vigeat propositum rectum, redditurum se confestim in viam aliterq; se gesturum. Quod si mendacium in rebus, quæ, ut Christo serviatur atque obtemperetur, necessaria sunt,

sunt, committatur, jam id peccatum adeò grave evadit, ut, nisi cito ac quasi erefligio pœnitentia illud consequatur, atque etiam, quomodocunque id fieri potest, tum seipsum, tum facinus suum is, qui id perpetravit, corrigat, admodum metuendum sit, ne talem ab eo vindictam Deus exigat, qualem nobis prolixè Sanctus Paulus capite primo Epistolæ ad Romanos describit, id quod in eos consuevit, qui divinam veritatem sibi manifestatam injustitiâ velut sepultam detinent. Quæ dicta sunt nobis hæctenus, ea ad Christianos quidem, sed tamen vulgares, & publico munere in Ecclesia Christi non fungentes, ut jam antea testari sumus, pertinent. Nam quod ad illos, qui aut aliâ erudiendû præpositi sunt, aut eâ sunt præditi rerum divinarum cognitione, ut ad eam aliâ præire possint, non crediderim id sufficere, si, quemadmodum est apud S. Petrum, semper parati sint ad reddendam ejus, quam habent, spei rationem, neque etiam si id simul præsent, quod, ut memoravimus, apud S. Marcum legitur: sed necesse est, ut hi tales longius progrediantur, & talentum ad quæstum faciendum sibi conceditum ne sepeliant. Et hæc velim in presenti satis esse responsa ad illa, quæ rogâsti. Sententiam meam de cæteri rebus omnibus, si vel nutu id te velle significaveris, lubenter tibi aperiam, gratumq; est, id te mihi habere honoris, ut scripta mea videre velis: ita enim mihi persvadeo, non futurum hoc sine magno meo fructu, & fortassis nec tibi illud displiciturum, ut ut diversum
à me

1. Pet. 2.
25.

à me sentias. Iussissem jam nonnulla, quæ tibi mitterem, describi, non recusans, quandoquidem divino numini ita visum, ut vix mihi nunc unde vitam tollerem, supersit, quin id, prout tibi placet, sumptu tuo fiat: sed vellem prius à te certior fieri, quid ex meis istis qualibuscunque omnium primò desideres. Est mihi disputatio quædam, de qua tibi scripsi, cum Puccio de primi hominis sive mortalitate sive immortalitate, quæ tota in unum redacta, volumen mediocre implet. Est deinde mihi alia cum Ministro quodam ex Calvinii familiâ disputatio de ratione, quâ Iesus Christus Servator noster esse dicatur, in qua de Iustificatione nostra per Christum plenè dissero, & in transcurso sententiam meam de peccato originis clarè satis prodo, & nonnulla etiam de Prædestinatione liberoq; arbitrio rango, explanans loca difficiliora & inter cætera illa duo à te in literis tuis allata, quòd fides sit Dei donum, & quòd nemo vadat ad Christum, nisi Pater eum traxerit. de quibus hic nihil ampliùs dicam, satis habens, si in memoriam tibi revocavero, verba illa mea, Nisi ita sit & cætera, non alia mente à me dicta esse, quam ut ostenderem, factum meum jure non posse culpari, utut pessimè res cadat, non autem, quasi de fine actionum mearum dubius hæream. Id verum sanè est, me hic cum vulgo non facere, sicut aliquando intelliges. Præter ista in scriniis meis deprehendo disputationem quandam meam cum Franc. Davidi de Christi invocatione habitam, in qua particulatim

libello

libello cuidam ipsius respondeo, quem contra objectiones, & responsiones meas duabus illius thesibus alteriusq, illarum probationi oppositas cuderat. Est mihi adhuc libellus satis copiosus de Baptismo, in quo omnia illa loca, in quibus sermo de eo habetur, diligenter examinantur, meaque de illo sententia clarè explicatur. De Cena Domini nihil ipsemet scripsi: sunt tamen penes me aliorum quorundam scripta sub limam à me revocata, in quibus verissima meo iudicio sententia explicatur. in eorum unum jam olim D. Crato objectiones quasdam satis acerbè intorsit, quibus, si Deus voluerit, aliquando respondebo. Est mihi quoq, in promptu breve quoddam responsum Andree Volano pro Polonis fratribus circa Christi divinitatem redditum, in quo aliquas istarum responsionum, quas per tibi gratas fore inquis, videre posses: deprehenderes etiam, alium mihi esse respondendi, & loca quedam divinarum literarum interpretandi modum, quam Polonis ac Transsylvanis, quamvis in ipsa sententia dici possimus bellè inter nos conspirare. Nescio an unquam oculis tuis oblata sit brevius quedam explicatio initii primi capituli Iohannis à Zanchio & Beza, & ex parte à Poloni istis Lelio ascripta: ea vero jam ante annos XVIIII ex officina nostra prodiit. Sunt & alii mihi nonnulli libelli, operaq, ad umbilicum nondum perducta, quæ ad idem argumentum referuntur. Si pro bono visum fuerit, ut ex iis, quæ commemoravi, aliquid tibi

tibi describatur, verbo me mone, quenam potius al-
lubescant, idq; brevi tibi effectum dabo. Res minus
spem mihi facit, propediem te huc venturum, nec so-
lum venturum, sed & eodem sub tecto nobiscum ho-
spitaturum. An vero unquam tam exoptatus mihi
illucescet dies? Quanquam certus sum, ut ne nunc
commemorem meam in aliis tenuitatem, nec me
presentia tua plenè gavisurum, nec te ex consuetu-
dine mea voluptatem ullam percepturum ob surdi-
tatem gravem, quam Deo visum est mihi, fortè ut
in majus mihi bonum cedat, immittere, quæ me pla-
nè propemodum ineptum nec ulli usui habilem in fa-
miliaribus colloquiis reddit. Sed utcunq; sit, vel solus
tui conspectus me magnopere recreabit. Mitto tibi
Puccii libellum, qui quis vir sit quaq; conditione,
quoniam id à me petiveras, minutim, quoad mihi
constabat, tibi perscripsi: sed literæ, ut video, inter-
ciderunt. Denuo ergo tibi narro, esse illum ex veris
Puccii Florentini, credoq; istuc patrem ei adhuc in-
vivi restare, quamvis ætate multum proæctum, una
cum fratre. Est ipse annorum circiter XXXIX aut
XL, qui cum ante annos aliquot Lugduni ageret
negotiationi nescio cui deditus, idq; temporis dispu-
tationes de religione incalcescerent, atq; ipsi pars
Papæ adversa arrisisset, cumq; magistrorum institu-
tione jam a puero ad studia literarum inclinatus
dextreq; ductus esset, mercatura sive negotiationi
valedixit, & ad theologiam addiscendam animum
applicuit, cui ut tanto melius vacare posset, Oxoni-
um se

um se in Britanniam, domicilii ad tempus illic fi-
gendi causa, atq; inde Londinum consulis: quibus in
locis duobus disputationes varias cum Calvinii ase-
clii habuit, quarū, credo, gustum ex eo libello, quem
tibi mitto, perceperis. Londino deinde Basileam se
deportavit, ubi cum illo notitiam contraxi, ac dispu-
tationem istam habui. Ipse vero cum in publicum i-
stic theses illas, quarum in monitione ad lectorem in
calce hujus libelli, quem tibi mitto, collocata menti-
onem facit, edidisset, fuit ei hoc nomine negotii ali-
quid à Ministris ecclesie exhibitum, tandemq; judi-
catum fuit, optimum fore, si inde migraret. Ita Lon-
dinum reversus est, ubi nunc quoq; cum commorari
puto. Vivit de suo, ut cui extra patriam aliquid est
nummorum, nec pater in iis, quæ requirit, illi deest.
Multum opinionibus suis fudit atq; tribuit, si homi-
nem audias aut scripta illius videas; condiditq; no-
vam quandam theologiam, quam ex hoc illius opus-
culo animo complecteris. De Palaeologo aliquando
ubertim inter nos colloquemur. Persuadeo mihi, te,
ubi causam ac negotium illius expenderis, idem de
ea mecum judicaturum, quamvis in ejusmodi rebus
ego quidem non multum artificii mihi arrogem.
Constitueram huic meo libello veriùs, quàm epistole
finem imponere; sed oportet istud me etiamnum ad-
dere, per me non stetisse, quominus cum Daniello a-
gerem sermonesq; conferrem; sed ille quanquam id
me ipso non minùs desiderare videbatur, postea ta-
men suq; deq; habuit, cujus tibi rei fidem Resminus
facere

facere poterit. Sed quomodo omisi de Philosopho illo tibi respondere? quanquam quid opus est aliud me dicere, quàm facturum me, ut jubes? Deus te bonis omnibus ad votum cumulet: me autem ut favoris tui aura prosequi digneris, etiam atq; etiam te rogo. Cracoviae a.d. 111 non. Xbris anno C1515CXXX.

Epistola II.

FAUSTUS SOCINUS ANDREÆ
DUDITHIO S.

Videre mihi videor, nimia me negligentiae jam a te accusari, quod tanto temporis tractu ad prolixas quidem illas literas tuas non nisi exigua ex parte, ad alteras verò binas post ad me datas ne tantillum quidem, (ut, quod res est, dicam) responderim. Sed credas mihi velim id ed contigisse, quod nunquam ocii mihi tantum fuerit, quàm consuetudo mea postulat. Sed cum videam, me, si illud expectare velim, nunquam fortassis tibi responsurum: decrevi tandem abrumpere moram, & responsum prout potero optimè, magnà saltem ex parte adornare.

Primum igitur, quod aù, si mea de baptismo sententia vera esset, secuturum, ecclesiam longissimo tempore in errore versatam fuisse, id quod promissioni illi Christi repugnet, Ero vobiscum & cetera, itemq; ei, quod φιλαυθεωπία divina requirat, ac præterea ita comparatum sit, ut nequaquam quadret ad id, quod Christus, ut ab errore mortales vindicaret,

dicaret, se ipsum cruenta morti objecerit: hic vero, si alteri alicui responderem, dicere possem, si quid illa ratio firmamenti ac virium habet, necessario secuturum, aut Pontificiam religionem veram Christi religionem, aut ipsius Christi religionem falsam esse; veruntamen cum tecum mihi res sit, qui rerum causas requiris, respondeo primum, errorem illum circa baptismum non esse ejus generis, ut aeternae salutis jacturâ constet, & ut paucis dicam, in verâ quoque Christi ecclesiâ vigere posse. Addo deinde, promississe Christum, Apostolū se, ac proinde verū eorum successoribus continenter adsuturum, si non in munere apostolico aliove illius simili obeundo, saltem in re pietatis atque religionis: atque ed affirmo, in ratione à te in medium allatâ tacitè id tanquam concessum poni, quod per illam evincere instituisti; ecclesiam, de qua nobis sermo est, in rebus ad religionem pertinentibus minime hallucinatam fuisse. Nam inter alia hoc quoque animo advertendum est, promissum à Christo factum ed revera non pertinere, quod, ut in dogmatibus amplectendis erretur, permittere nolit, sed quod ii, qui sanâ doctrinâ imbuti fuerint, favore & ope suâ adesse velit. Vnde sequitur, etiamsi longissimo temporis spacio ne unus quidem extitisset, qui non fuisset gravi aliquo errore implicatus, Christum tamen propterea falsi nequaquam teneri. Nec vero φιλανθρωπία Dei, aut mors Christi requirit vel arguit, orbem terrarum, (necdum minimam illius partem) in errore versatum non fuisse, cum id aut

B

in signi

*in signi hominum improbitati, aut saltem languido
 virtutum studio acceptum ferri possit, quæ longo
 tempore à Deo tolerata, tandem eum (ut ita di-
 cam) cœgerit projicere hominum curam; imo fieri
 potest, ut ingratus eorum animus, & abusus ac con-
 temptus veri, quod ab initio oculis illorum illuxerat,
 & voluntaria divini numinis ignorantia merito
 Deum induxerit, quo rem ita institueret, ut planè
 obcecarentur, & in profundam errorum voragi-
 nem demergerentur, quod & Paulus prædixit I I
 Theß. II. Nec ob illud hominum malitia aut diabo-
 lus plus Deo posse dicendus est. quippe non vult po-
 tentissimum numen ullius voluntati vim ullam in-
 ferre, (loquor de communi ac consueto agendi mo-
 do) sed liberam eam permittere mavult, ita ut non
 minus in potestate nostrâ sit, malè, quàm benè velle.
 At diabolus quamvis revera voluntati nostræ vim
 inferre, hoc est, ut aliquid necessario velimus, effice-
 re nequeat; nihilominus nullum non movet lapidem,
 ut nos ad malè agendum inducat, adeoque, si posset, vi
 sæpenumero lubens nos perpelleret: id autem cum
 nequeat, falsâ specie ita nobis illudit atque imponit, ut
 dici possit, vim nos ab illo pati. De hominum malitiâ
 nihil aliud dicendum venit: ut enim dixi, vult Deus,
 ut homo pro suo ipsius arbitrio non minus improbus,
 quam probus esse possit, (quamvis vellet, eum esse pro-
 bum) cum interim optimè nôrit ipse, quantamcun-
 que hominum improbitatem ad suam ipsius gloriam
 suorumque, hoc est, eorû, qui cum possent flagitiose vi-
 vere,*

vere, virtuti studere maluerunt, salutem convertere. Iam verò, ut rem in pauca conferam, quod ad meas aliorumve opiniones, quæ novitatis præ se ferunt speciem, attinet, mihi ita videtur, si detur, scripturam sacram ejus esse auctoritatis, ut nullo modo ei contradici possit, sed de interpretatione illius omnino duntaxat sit scrupulus, nihil, ut ut verisimile aut ratione conclusum videatur, afferri contra eas posse, quod ullarum sit virium, quotiescunq; illæ sententiis atq; verbis illius libri aut rationibus liquidè inde deductis probatæ atq; assertæ fuerint. At si librum istum auctoritate tantâ pollere non conceditur, imò vero speciosis illorumq; similibus, quæ tu profers argumentis id agitur, ut libri istius auctoritas in dubium revocetur, Christianaq; religionis veritas incerta reddatur: jam aliò vela sunt vertenda. Quod si exiguus meus libellus eo de argumento scriptus palato tuo aliquâ ratione satisfecerit, omnibus latitiis incedam. Spem tu quidem aliquam pro tuâ mihi comitate præbes: sed nullum mihi est dubium, si otiose eum relegeris, multa te ibi reperturum, in quibus aliquid desideres. Est sanè labor ille, quantum ad id, in quo difficultas omni consistit, hoc est, quod ad Christianæ religionis veritatem attinet, satis etiamnum mancus atq; imperfectus non solum, quod objectionibus, in quibus quasi cardo rei vertitur, responsum non sit, sed etiam quia rationes multe, quibus causa communiri poterat, prætermisæ sunt. Cum opusculum illud meum denuò eum in finem,

nem, ut Francisco Betto mitteretur, describerem, paucula quedam emendavi, quæ quamvis nullius ferè sint momenti, quia tamen cupio, ita te eo frui, pro-ut erit ab ultimâ manu, cui ipse acquiescam, decrevi postquam aliquot dierum ocium ei indulsero, atq; eo pacto iudicium meum ad sententiam de illo feren-
dam nonnihil acuero ac liberius expedivero, denuo illud sub limam revocare, tibiq; deinde mittere. In-
terea ter rogo, ut & tu oculos denuo istuc intendere, ac postea liberius mihi perscribere digneris, quos ibi errores reperisse videaris, & in summâ de omnibus me commonescias, in quibus aliquid desiderare vi-
dearis, aut etiam jure desiderari posse, clarè depre-
hendas. Opus tuo instinctu adornatum est: ideoque peculiari tibi cura incumbit, ne penitus indignum sit, quod in magnorum tuig; similium virorum ma-
nus perveniat. Ex eo specimen tibi capere promptum est, quid ipse facturus sim, ubi tu, quod contra Atheis-
mum meditaris, absolutum nobis dederis: quo opere procul dubio verè cum te esse, qui es, palam facies, hoc est, virum rarâ doctrinâ atq; ingenio singulari præditum, si argumentis ex Philosophia depromptis adversarios constrinxeris, & ad id, quod asseri con-
fitendum adegeris, præsertim quod ad præmia ac penas attinet. Deus tibi id fortunet: ego quidem tanto illius desiderio non modo teneor, sed pæne di-
cam torqueor, ut nullius rei unquam magis. De Da-
vidiana questione nolim nunc amplius inter nos sermonem esse, cum id aliquando te visurum sperem.

quod

quod ipsi Francisco Davidis respondi. Id tantum rogatum te velim, ut apud te expendas, utrum in objectione illa, quam tu aliq̃ nobis opponitis de duobus diis, deq̃ duabus adorationibus, non sit melius dicere ἀναλογίαν introduci, quam ὁμωνυμίαν? id quod nos tamen sine ullo cause nostrae detrimento facile poterimus concedere, ἀναλογίαν, inquam, introduci. Nam ὁμωνυμία quidem, quæ causæ non parum officere videretur, imò revera officeret, quemadmodum aliena est hoc loco, ita nunquam eam jure nobis impingi posse confido, si modo vocabulum id in significatione multo laxiore, atque aliâ, quam quæ vulgo in disputationibus obtinet, non capitur. Si divinandi peritiam mihi sumpsi, teq̃ in eâdem illâ de adoratione opinione esse dixi, errorem non unum commisi: mihi tamen non videbar tantum fuisse ausus; sed quomodocunq̃, se res habeat, ut periculo omni desungar, culpam omnem, si qua intervenit, deprecor.

Sed veniamus ad id, de quo tecum disserere longe magis aveo, hoc est ad angelorum apparitiones sub veteri sædere magis, quam sub novo frequentatas. Cum de isto tibi argumento primum respondi, ita locutus sum tanquam qui ponerem, de eo, an sit res, dubii nihil esse, sed solummodo, cur sit: postea vero mihi questionem longiùs extendere, atq̃, eam dum ad argumenta mea respondes, viam insistere visus es, ut satis ostendas, controversiam à te motam

ad alium tendere finem, quàm ipse putaveram; quod si prius animadvertissem, aliter fortassis argumenta illa explicuissem, atq; ita quidem, ut forte clariùs sensus meus patuisset. Vnum istorum argumentorum, quæ allegaveram, si benè in memoriam regredior, fuit, quod, cum promissiones sub veteri fœdere factæ continuerint res temporarias, & intra gyrum vitæ, quàm in hoc orbe mortales degimus; subsistentes; quæ quidem res multû à casu pendere atq; administrari videntur, propemodum necesse fuit, religionem illam signis aliquibus speciosè in oculos incurrentibus longo tempore confirmari, atq; eâ ratione populo isti providentiæ erga se divinæ fidem fieri; alioquin quantumcunq; secundis rebus, quibus religioni illius verè amantibus. promissa sua comprobasset Deus, nihil effectum fuisset. At sub novo fœdere cum promissiones ejusmodi sint rerum, quæ, ut quilibet fateri cogitur, nequaquam casu obveniunt, nec in hac vitâ occupari debent, utut aliud appareat, facile quî cursum hunc cum incorruptâ de providentiâ divinâ opinione ad calcem usq; tenebit, ut qui sciat eventus effectusq; illius non hic, sed alibi demum clarè apparituros; qui quando extiterint, pro talibus etiam per se perspicuè agnoscentur. Ad hoc argumentum meum fortassis non ita dextrè primò explicatum ejusmodi tuum est responsum, ut id illius jugulum petere nequaquam videatur, utpote quod potius aliud pro adversâ parte argumentum in se contineat, quod si probè ponderetur, longè aliud,

aliò,quàm ut me serias,tendit. Argumentum tuum, ut compendio dicam,tale est. Si Deus carnalium rerum a se promissarum causâ tam diuturno tempore continenter per angelos interpretes vocem mittere visuiq; hominum sese offerre & signa ac miracula edere dignatus est;multo magis id rerum spiritualium atque eternarum itidem à se promissarum gratiâ facere debere videbatur; cum hæ longe minùs,quàm illæ, sint credibiles. Vnde inquit, si, nisi continuata fuissent isthæc tanta miracula, occasio nobis promissa illa ludibrio habendi præbita fuisset: multò eam magis hæc pro ridiculo putandi nobis præberi. At non dixeram ego futurum,ut occasio promissa illa ludibrio habendi præbita fuisset, quatenus parum fuissent visa credibilia, sed quatenus, etiam tum, cum opere jam ea complevisset Deus, pro talibus tamen agnita non fuissent; id quod in alteris illis locum planè non habet. Vnde fit ut, quemadmodum dixi, responsio tua revera aliò potiùs,quàm ad me ferendum, tendat, nec aliud quicquam sis, quam argumentum pro adversâ causâ allatum, quod peculiarem responsonem meretur, quæ, nisi fallor, secundùm legitimam disputandi rationem talis esse poterit. Primum id est, continuas illas apparitiones & miracula sub veteri fœdere non ad fidem rebus promissis tanquam parum credibilibus, sed, ut dictum est, tanquam iis, quæ alias cum præstita fuissent, pro talibus non fuissent agnitæ, conciliandam existisse. Deinde & hoc advertendum, quod de rebus parum

credibilibus dictum est, id ita capi posse, ut vel eas Deum velle, vel præstare posse, parum verisimile habeatur. Quod ad id attinet, quod parum sit verisimile, Deum velle: mihi verò longè verosimilius videtur, Deum iis, qui mandatis ejus obsecuti fuerint, res spirituales ac æternas, quàm corporales & fluxas fugacesquæ, dare atq; impertire velle; cùm ille multò magis, quàm hæc, Deo sint dignæ, & pro muneribus ipsi magis propriis atq; convenientibus reputari mereantur: ex quo sequitur ut minoribus argumentis atq; indicii sit opus, quibus illas, quàm quibus has Deum polliceri doceatur. Quod ad id, ut minùs sit verisimile, Deum posse: aut creditur, Deum esse, eaq; vi atq; efficaciam, quæ fere illi ascribitur, pollere, aut non creditur. Si non creditur, Deum esse: nullum jam in hoc discrimen erit inter res Dei nomine promissas, sive majoris illæ sint, sive minoris momenti. Quod si non credatur, posse Deum res illas majores præstare: quomodo verò probari magis, quàm nunc probatum est, potuisset aut etiam posset, Deum illas præstare posse, etiam si Angelorum apparitiones. & miracula eadem serie continuata fuissent, aut etiamnum continuarentur? Illà certè ratione vitam æternam, quæ sub Novo Fœdere promissa est, possibilem esse nunquam planum fieret, cum eo pacto, perpetuitatis istius & durationis sine carentis (in quâ cardo rei vertitur) specimen capi, aut indicium evidens haberi nequeat. quod si verò credatur, Deum esse, eaq; vi atque efficaciam, quæ passim illi tribuitur, instructum

instructum; jam non opus est facere fidem, Deum morte consopitos resuscitare, & ad vitam assidue beatam eos quoque reducere posse, qui in cineres & fumum abierunt, quorumq; corpora aut pars aliorum humanorum corporum, aut nescio quid aliud, quod vel absurdius videatur, evaserint; quandoquidem potentia illa est infinita, atque omnino ejusmodi, ut sub illâ resurrectio, quam memoravimus, necessario contineatur; quæ certè nec universè nec ex parte inter res illas, quæ nullo modo fieri queunt, numerari meretur, si modò dextrè, & non, ut vulgò solet, intelligatur. Tales verò, hoc est, qui & Deum esse, & eundem res sub Novo Fœdere promissas præstandi vi præditum credant, illi serè, quibus promissa sunt facta, tum cum defuerint miracula, suere; ita ut necesse non fuerit potentiam illi Dei argumentis comprobare, sed voluntatem duntaxat. & verò de hac, ut dixi, major in animis hominum, quod ad promissiones, quas memoravimus, attinet, quàm quod ad illas Veteris Fœderis, persuasio merito esse debebat. Taceo jam, quod post Evangelium promulgatum Deus Atheorum, & illorum, qui sibi numen aliquod fingunt, quod non omnia, quæ naturâ suâ sunt factu possibilis, efficere possit, nullam, ut ita dicam, rationem habeat, nec iis talibus promissa sua revera offerat, ut qui propter malitiam suam prorsus iis sint indigni. Vnde tum ob hoc, tum ob illud, quod paulò antè tetigi, ne mentionem quidem Atheorum ejusmodi, & istorum, qui de potentia Dei

malè sentiunt, facere necesse fuisset, quam tamen, ut tantò meliùs verum cognoscatur, prætermittere nolui. Concludo itaque, licet res sub Novo Fœdere promissæ illis, quæ sub Vetere promissæ fuerant, longè sint majores, non tamen propterea minùs eas esse credibiles, imò verò quantum ad illud, quod Deus eas promiserit, & pro præmio illis, qui sibi dicto audientes fuerint, proposuerit, multò magis, quàm illæ, sunt credibiles: quantum verò ad id, num Deo sint possibiles, de eo ab illis, ad quos revera pertinent, neutiquam dubitatur. Ex quo clarè perspicui potest, ab eo, quod res sub novo fœdere promissæ parum sint credibiles, argumentum ad ostendendū, majoribus eas adminiculis, quibus confirmantur, quàm promissæ veteris, indigere, duci nequaquam posse. Sed fingamus parum eas credibiles videri: interea longè lubentius unusquisque animum inducit ad labores rei alicujus admodum pretiosæ acquirendæ gratiâ suscipiendos, utut spem alat exiguam, operam se non perditurum, quam ut rem exigui veneretur pretii, licet tandem spes ingens affulgeat, non frustra se laboraturum. Ut id impetraretur, ne populus Israëliticus tantū se cupiditatum suarum illecebris abripi pateretur, utq; gravi legis jugo humeros supponeret vix sufficiebat, quod vel sexcentis rationibus perspicuè atque continuè fides fieret, illos, qui id fecissent, certos esse posse, ea sibi bona in hoc terrarum orbe, quæ percipi in eo possunt, à Deo expectanda esse: eò quòd bona illa, ut
breviter

breviter dicam, non magni sint ponderū, vixq; digna, quorum quī causā molestia multum exhauriat, videantur, adeoq; si nihilominus eorum causā aliquid devorandum sit fastidii, ut non mediocri ea consequendi spes animum impleat, necesse est. At ut id obtineatur, quo quī Christo obtemperet, ejusq; mandata, quamvis carni nostræ adversa atque gravia, exequatur, sufficere certè deberet, aliquam saltem, licet levem spem vitæ, atque beatitatis illis, qui sic se gesserint, propositæ præberi: aded quippe præmiū id jure quodam suo desiderium omnium ad se trahit, nec quisquam est, qui non fateatur, nullum esse tantum laborem, quem illius adipiscendi causā sufferendum non existimet: ac proinde longè minus tam manifestū ac continuū firmamentū, ut alterum illud indiget. Ex quo liquet, quòd res sub Novo Fœdere promissæ sine comparatione iis, quæ sub Veteri promissæ fuerunt, longè sint majores, id non solum multò majorem apparatus, ut tu loqueris, non requisivisse, sed in causa esse, ut etiamsi longè minor fuisset, tamen sufficeret. Aliud deinde allegabam argumentum, cur sub Novo Fœdere divinâ confirmatione minùs fuerit opus, quàm sub Vetere, quod, si benè commemini, hoc fuit: quòd præcepta Veteris Fœderis maximâ ex parte ejusmodi sint, ut difficile sit creditu, illa à Deo manare, aded vel levia, vel vana, vel superstitiosa, vel etiam stulta ac ridicula, & in summa parum Deo digna videri queant: ut ita necesse fuerit, ut longo temporis tractu Deum
nunciorum

nunciorum cœlestium apparitionibus, miraculūq; evidentibus fidem perspicuè faceres, legem illam à se promulgatam esse. Ex alterâ verò parte Novi Fœderis promissa omnia ejus sunt generis, ut non modò Deo dignissima, prout revera sunt, esse videantur, sed, si quis animum iis dextrè advertat, sola sufficiunt ad evincendum, totam illam religionem verè divinam esse. Hic tu mihi, misso eo, quod præcipuum ac velut caput est, appendicem arripere videris, dum demonstrare niteris, religioni Christianæ præcepta ad fidem faciendam, ut à Deo profecta credantur, non sufficere: modus autem agendi, quem hic observas, meo judicio ita comparatus est, ut illud ipsum, quod potissimùm dicere volui, confirmet. Añ enim, ostendi forsan posse, præcepta gentium reperiri, quæ non multum à nostris abeant. Hoc verò id ipsum est, quod quero, puta, quod Novi Fœderis præcepta ei, quod ratio dictat, respondeant, ac proinde Deum, illi ut stetur, velle, verosimile videatur: ut ita pateat, quod ad hanc partem attinet, Novum Fœdus confirmatione divinâ toties repetitâ non egere. Prætereo silentio, quod verba illa tua, non multum, te ipsum non diffiteri ostendant, inter Christi præcepta nonnulla esse talia, aut in nonnullis eorum tale quid inveniri, quò humana ratio per se ipsam non pertingat. id quod si, ut est verissimum, ita tu verbis illis innuere voluisti, ipsemet mihi nonnihil id, quod argumenti quedam velut appendix & accessio fuit, confirmare videris. Hoc enim illud est, quod,
 si quis

si quis animum attendat, magno satius documento esse videatur, Christianam religionem esse divinam; nimirum, quod in ipsâ præcepta nonnulla, & in his talia quædam dentur, ad quæ humana ratio per se ipsam pertingere nequiverit, quæ nihilominus (posito præsertim æternæ vitæ præmio, quod, ut ipsemet dicis, homines sibi etiam sine Christo aliquo modo imaginati erant) postquam innotuerint, fateri necesse sit, esse sanctissimam, ac omnino talia, qualia ad hominem numerum omnibus perfectum reddendum requirebantur. Non immorabor illi refutando, quod aî gentilium nonnullorum disciplinâ homines forte non minus, quam ullos unquam Christianos, ad virtutem exultos fuisse, quandoquidem id per se argumentum à me adductum attingere non videtur: Quatenus tamen à sanctâ Christianorum vitâ probabiliter quis posset Christianæ religioni veritatem argumentando deducere, ut ejusmodi argumentationem ab objectione istâ vindicem, hoc tantum dicam, loco unius, qui inter gentes virtute præditus fuerit, inter Christianos vel mille, qui tales extiterint, repertum iri, ac præterea illos non nisi immenso studio diuturnoq; tempore, horum vero non paucos vix quicquam ejusmodi cogitantes, & quasi exemplò tales evasisse, ita ut nullo planè pacto illi cum his comparandi sint. Ex iis, quæ dicta sunt hætenus, patet, ad doctrinam atq; religionem Christianam confirmandam satis id fuisse, quod ab initio divinæ apparitiones & miracula manifesta
in oculos

in oculos hominum incurrerint quousque ad efficiendum, ut ab orbe terrarum acciperetur, sufficeret, qui quidem alias eam utpote rem novam atq; insolentem, etsi per se rationi admodum consentaneam, & unicuiq; cui aliqua modò est religio, valdè credibilem atq; probabilem, repudiasset. At vero, postquam novitatem atq; insolentiam illam exiit, id quod illius acceptionem necessario repente secutum est, alià confirmatione pro iis non fuit opus, qui ad ejusmodi doctrinam accipiendam sunt apti, hoc est, qui non plane sunt irreligiosi, & malitiæ suæ mancipati. de ceteris enim verba facere non est opus: istorum autem illæ sunt voces, quas fingis ac introducis, Ob hoc ipsum opus iis (id est miraculis) habeo, quod id non credam, (id est, miracula à principio fuisse edita) præsto non fui, cui fidem habebō, id esse factum? ad quas voces quid responsurus essem, queris? Ego vero primum responderem, me, cum miracula à principio suffecisse affirmo, non id velle, pro iis etiam, qui postea exorti sunt, aut posterum exorientur, eatenus, ut ob ipsa miracula doctrinæ fidem habeant, illa satis esse: sed huc tendo, cum prima ista miracula, ut doctrina approbaretur, utq; ita novitas & insolentia, quæ ab initio in eâ adherescere poterat, abstergeretur, effecerint; ut doctrina jam credatur esse vera, miraculis opus amplius non esse, sed aliquanto solum Dei timore, & voluntate ad bene agendum comparata; adeo doctrina illa est mirifica, numerisq; omnibus absoluta,

absoluta, licet illi nostræ parti, quam carnem sacræ
vocant literæ, nonnihil gravis, ex qua carne, quia
plurimum in nobis potest, omni diffidentia atq; du-
bitatio de doctrina, quam dicimus, scaturit atq; e-
bullit. Deinde responderem, miraculorum à princi-
pio editorum vestigia nobis restare adeo verisimi-
lia, probationesq; tantas & indicia luce meridiana
clariora, ut qui fidem illi neget, aperte prodatur, esse
se vel animo qualicunq; etiam de causâ occecato,
vel religioni omnino fermè non capacem. Tu vero
inquis, inter tam incerta atq; inconstantia dogma-
ta, inter tot religionum genera, quæ hodie obti-
nent, videri si non Deum ipsum, saltem angelum a-
liquem requiri, qui nobis indicet atq; inculcet, hic
esse Christum, non illic. Ad hoc respondeo, ut quis
verum amplectatur Christum, non alia re opus esse,
quam ut præcepta atq; promissa illius rectè cognita
habeat: imo ne promissa quidem adeo exquisitè per-
vestigata habere necesse est, modo summam eorum
vitam æternam & beatam esse constet, dummodo
præcepta rectè intelligantur. Hæc vero illi in librū,
qui pro sanctis ac veris ab omnibus, qui Christum in-
vestigant, aut eum se investigare profitentur, rece-
pti sunt, adeo perspicuè sunt explicata, ut ad ea per-
cipienda doctore alio non sit opus. quod si nihilomi-
nus multi reperiuntur, qui ea non probè tenent, id
vel à malitia illorum, quæ has illi tenebras offudit,
vel à negligentia in rebus divinis, inque sensu sacra-
rum literarum scrutando proficiscitur, quam mali-
tiam

tiam ac negligentiam Deus in apertum vult protrahere, non autem angelum aliquem mittendo, cuius dictis stare omnes cogantur, abscondere atq; occultare. Si quid de eo, quod novi fœderis populus spiritalis, veteris autem carnalis esset, tetigi; id non aliâ de causâ factum credo, quàm quod scripseras, te, quomodo id, quod omnibus in ore esset, capiendum foret, imaginari tibi non posse; videorque mihi dixisse, id respectu præceptorum ac promissorum utriq; populo oblаторum intelligendum esse. Nec vero unquam existimavi, populum illum isto magis fuisse carnalem, quod ad propriam illius naturam attinget; nec ejusmodi, ut ita dicam, carnalitate in rem meam usus sum ad demonstrandum populo illi magis, quam huic, divinis apparationibus ac miraculis opus fuisse. Id quidem dixi, populum illum ad bene agendum magis timore pœna & quidem præsentis in hac vitâ propositæ, hunc vero præmiispe & quidem in alterâ demum vitâ obventuri, ipsiusq; virtutis amore incitari: ex quo consequeretur, ut cum panam populo illi a Deo inflictam apertam atque evidentem esse oporteret, ex alterâ parte conveniret, ut præmia quoq; omnibus apparerent manifesta, ac proinde favor atq; gratia divina jugiter in eos exundaret. quæ ratio in hoc populo propter causas, quas commemoravimus, locum nō habet. Hic vero pariter non intenderam animum ad propriam populorum istorum naturam, sed ad religionem utriusque eorum propositam, quæ vivendi rationem alteri

teri quidem timoris, alteri verò amoris panam affert. Id quod de populi Iudaici non quidem dispersione, sed obstinatione dixi, non ed feci, ut Christianæ religionis veritatem inde probarem, sed ut causam proferrem, cur apparitiones & miracula sub novo fœdere non sint eadem serie frequentata. Si enim eo modo frequentata illa fuissent, ipsimet Iudæi tantum non vi ad Christum perducti ac pertracti fuissent, antequam tempus à Deo constitutum appeteret, qui ob gravissima eorum peccata longo eos tempore à se amovere decrevit, ut iuste ira sue perpetuum ac clarum testimonium hac ratione omnibus præbeant. Quocirca non video, cur exemplo aliorum populorum pariter dispersorum ostendere volueris, posse dici, quòd Iudaicus populus ita sit hinc inde dissipatus, id aliunde, quàm quòd Christum in crucem egerint, ortum esse; multò verò minus, cur Iudæos adhuc passim conspicuos esse, suosq; agere cœtus, & in vita restare, nec ut alias aliquot nationes extinctas esse, dixeris, eo quod hac ipsa mihi re ad stabiliendam argumētationem meam sit opus. Quomodo enim alias locum habere aut apparere eorum posset obstinatio? Sed præterea quantum ad religionis Christianæ confirmationem attinet, ejusmodi Iudæorum dissipatio plus habet virium, quàm si penitus essent extincti. Hac enim ratione pœna eorum semper recens perdurat: ut taceam, quod, cùm ex eo, quod annos tam diu serant, religionem eorum à Deo ortam facile probari possit, inde jam

C

unicuique

unicuique, qui modo luminibus non sit orbis, Christianam Religionem divinam esse, clarè pater. Et hæc sunt, quæ respondere volui ad illud, quod argumento à me adducto de Angelorum apparitionibus, deq; miraculū diutiùs sub Veteri, quàm sub Novo Fædere frequentatis objeceras. Veruntamen quoniam vehementer à me contendis, ut argumentum illud robustius, quod silentio tunc involvi, tibi aperiā; scias velim, argumentum illud in iis, quæ superiùs disputata sunt, potestate comprehensum, & satè prolixè in libello de auctoritate sacra scripturæ explicatum esse: quod quidem breviter est istud; nolle Deum, ut homines improbi, quamdiu in improbitate suā persistunt, verbis suis fidem adhibere, & mandatis obtemperare possint; imò velle, ut hoc ipsum, quod ea, quæ commemoravimus, non faciant, eos detegat tales, quales revera sunt, esse, cū quod ista non faciant, aliunde quàm à propriā illorum improbitate nasci nequeat. Iam verò hæc Dei voluntas opere non compleretur, si modus cum hominibus colloquendi suaq; ipsis mandata proponendi ejusmodi ab ipso servaretur, ut quilibet ea pro talibus, qualia sunt agnoscere, iūq; & animo & factis accedere cogeretur. Quia autem id propter rationem suprà à nobis de mandatorum totiusq; doctrinæ præstantiā, deq; præmii ejus observantibus promissi magnitudine expositam sine dubio in Religione Christianā usu venisset, si divinæ apparitiones & miracula in eā per tot secula continuè spectata fuissent: inde factum, ut continua-

Epistola III.

35

ut continuatio ista non obtinuerit, cum, ut vir probi animi, inter Christianos præsertim natus (de his enim revera hac in questione sermo esse deberet) ex animo Religionem Christianam amplectatur, res illæ mirandæ, quæ ab initio editæ fuerant, sufficiant eas ob rationes, atque eo modo, prout suprà à nobis dictum est.

Cætera desiderantur.

Epistola III.

FAUSTUS SOCINUS ANDRÆ
DUDITHIO S.

AD literas tuas, illustris Domine, III. eid. Maji datas non est, quod respondeam aliud, quàm non recessurum me ab illo ordine, quem in scribendo mihi servandum præfixisti, Deumq; precari, ut ab omni te periculo avertat, prout eum facturum nihil dubito, modò eum revereari, vitamq; ad normam mandatorum illius componas. Quod autem ad literas IX. Cal. Iunii datas attinet, respondere me volentem multa verba facere necesse est, cum tuo fortassis fastidio, cum mihi nonnulla, quæ jam ante scripseram, sub calamum revocanda sint: quod fastidium si posthac effugere voles, necessum est, ut ea, quæ scribo, aliquantò studiøsius expendere digneris, quàm te facere apparet, impeditum, ut credo, sexcentis rebus aliis, quibus a-

C 2

nimum

nimum intendis. Mirum tibi videtur, affirmare me, errorem illum (ut ego quidem censeo) si quis baptismum unicuique necessarium statuatur, æternæ salutis jacturâ non constare, atque aded in verâ quoque Ecclesiâ vigere posse: itaque queris, quid ergo sibi velis illud, Nisi quis renatus fuerit ex aqua, & que sequuntur: item, Qui non crediderit, & baptisatus non fuerit, condemnabitur. Hic primum objectio tua cum eo, quod ego assero, non pugnat, quod quamvis baptismus non sit necessarius, nihilominus fieri possit, ut illum vera Ecclesia necessarium statuatur: sed illi opinioni meæ adversatur, quod baptismus non sit necessarius. Deinde responsum petis ad duo loca, quibus baptismi necessitas astrui videtur; ad que loca in libro meo eâ de materie scripto, quem legisti, satius superq; responsum est, ita ut planè actum agerem, quod dicitur, si ad illam objectionem denuò responderem. Sed queris porro, quomodo errare possit Ecclesia, que firmamentum & columna veritatis appellatur? Respondeo veritatem illam nihil aliud esse, quàm viam atque rationem, æternam salutem acquirendi, in Evangelio nobis patefactam, que solo nomine $\tau\eta\varsigma \alpha\lambda\eta\theta\epsilon\iota\alpha\varsigma$ in Novo Fœdere satis frequenter insignita reperitur, ac imprimis apud hunc eundem scriptorem; ut 2. Thesal. 2. ver. 12. & in illâ ipsâ epistolâ ad Timoth. 2. v. 4. Imò Paulus ipsemet vocem illam ita planè interpretatur Eph. 1. v. 13. Non potest igitur ecclesia Dei viventis cæternus in æternæ salutis viâ errare, ut non semper te-

neat

neat ac nôrit ea omnia, quibus ad salutem adipiscendam est opus. Verùm inde non sequitur, quòd in aliis errare, ac multa, quæ & verissima sunt, & ad res divinas pertinent, ignorare nequeat. Neque verò Spiritus Sanctus, qui omnem veritatem docere debebat, ecclesie promissus fuit, sed illis, qui fundamentum ejus jecerunt, quorumq; & sermones & scripta pro divinis, ac de quibus nemini dubium ullum restaret, haberi debuerant, ut ita semper in promptu nobis situm esset, quòd ad cognoscendam divini numinis voluntatem recurreremus. Taceo, quòd & ista verba, Omnis veritas, aliud nihil significant, quàm omnem veritatem, quæ ad jaciendum Ecclesie fundamentum, munusq; apostolicum probè obeundum pertinebat. Imo cùm in Græco sit, πᾶσαν τὴν ἀλήθειαν, dubitandum non videtur, quin de singulari aliquâ veritate sermo sit, quæq; nulla sit alia, quàm de quâ suprâ dixi; vox verò πᾶσαν hoc in loco, ut & alibi, idem valeat, quod ὅλην. Cùm ergò dicū, si ecclesia errare in eo potest, ut baptismum, qui necessarius non sit, pro necessario habeat, haud posse nos esse certos, non errare eam & in reliquis: consequentiam non bonam neçtere mihi videris. Illud præterea miror, te, quemadmodum & ex his tuis verbis, & multò magis ex aliis deinde sequentibus colligi potest, tanquam indubitatum ponere, extare semper visibilem aliquam Ecclesiam debere, quæ in rerum divinarum cognitione dux nobis &

magistra sit. At cui fundamento hypothesin istam tuam superstruisti? Illi fortassis, quod ad ostendendum, ecclesiam errare non posse, dixisti, de nullo nos dogmate certos alioquin futuros. Sed respondeo, non esse necessum, ut de dogmatibus certi simus, nisi in, sine quibus salutem consequi nequimus. ea verò in sacris literis ita clarè evidentèq; per scripta atque explicata esse affirmo, ut id satù unicuique, cui modò benè agendi sit animus, esse possit, atque aded, ut ne interpretatione quidem ullà nobis sit opus. Equidem omninò mihi persvaseram, si sacrarum literarum auctoritas aspersa fuisset, fasurum te, nullà re alià opus esse, quàm quì viam ad eternam salutem, quicunq; etiam sit, investiget ac deprehendat. Sed video, etiamsi illa sacrarum literarum auctoritas perspicuè tibi demonstrata fuerit, hesurum te nihilominus in illo labyrintho, ut, quid de illa via, cuius modò mentio facta est, statuendum sit, nondum satis exploratum habeas. Et tamen res postulat, ut, si literæ illæ revera sacræ atque divinæ sint, via ad salutem eternam perveniendi perspicuè in illis sit explicata, nec obscura sit amplius nisi in, qui, ut manifestè illi evadat, indigni sunt. Paulus apertè dicit, Evangelium, quod ipse prædicabat, obscurum non esse, nisi in, qui à diabolo excitati erant. Inde manifestè colligi potest causa, cur sacræ literæ multis sint obscuræ in rebus ad salutem eternam adipiscendam scitu necessariis: quæ quidem alia nulla est, quam aut malitia, aut saltem probitas admodum in illis languida

2. Cor.

4. v. 3.
4.

*languida ac restricta, & ut paucis dicam, quod non
 in omnibus & ubique ita se comparent, prout faci-
 endum sui quemque animi conscientia convincit, ad
 serviendum soli Deo, atque etiam, quo se illi dicto
 audientes præsint, ad quodcunque utut ingens ac
 perspicuum periculum, imò verò præsentissimam at-
 que acerbissimam quamque mortem non gravatim
 adeundam. Quocirca cuicunque cordi est, sacrum
 literarum sensum eatenus habere perspectum, qua-
 tenus ad salutem æternam ei sufficit, ita se illis le-
 gendis dare debet, ut nihil deliberatius habeat,
 quam quod exequi velit, quicquid illæ jusserint, quo-
 modocunque res cadat. Hoc qui fecerit, omnino cer-
 tus esse & potest, & debet, primum, non fore, ut circa
 quicquam eorum, quæ ad salutis adeptionem scitu
 necessaria sunt, dubius ac suspensus hæreat; deinde,
 nunquam se eò erroris deventurum, ut credat, in sa-
 cris literis ea præcipi, quæ revera vetantur, aut ve-
 tati, quæ potius præcipiantur, aut etiam non præci-
 pi, quæ revera præcipiuntur, aut non vetari, quæ ve-
 rantur. Id enim ad iter, quod ad salutem æternam
 quodq; sacræ designant literæ, cognoscendum suffi-
 cit: in reliquis si quis occurrat error, nemo ob eum
 cælo excludetur. unde consequitur, sine jacturâ sa-
 lutis æternæ credi posse, aliquid in sacris literis præ-
 ceptum aut vetitum esse, quod revera illic præce-
 ptum aut vetitum non sit. Circa hoc genus magna
 ex parte occupantur sententiæ illæ tam inconstan-
 tes, tam diversæ, imò contrariæ, quas dici, quæq;*

tanti tibi videntur, ut in interpretandis atque intelligendis sacris voluminibus animum hominis suspensum & ambiguum merito tenere possint. Veruntamen etiamsi omnia illa incommoda circa res salutis nostrae necessarias, atque etiam majora & plura, quam res ipsa docet, reperirentur, quamdiu tamen fixum manet illud, literas illas, quas sacras dicimus, re ipsa divinas esse, nemo, qui eo, quem supra diximus, animo legendis iis intendit, & suae sibi probitatis & pietatis est conscius, ullatenus turbari, aut quicquam ambigere debet, quin, quod ad salutem ejus satius sit, is sit sacrorum librorum sensus, quem esse credit. Si enim interpretatio ab aliquo hominum consensu arcessenda foret: quam inanes quæso illæ ambages? Nonne satius fuisset, Deum absque ullis libris spiritus sui operâ perpetuò usum fuisse ad voluntatem suam aperiendam, primosq; ecclesiæ conditores id solum præcepisse, ac literarum monumentis testatum reliquisse, in rerum divinarum cognitione illi, quem diximus, consensui semper acquiescendum esse? Res igitur exigat, nisi frustra scripti sunt libri sacri, ut quilibet interpretationem eorum, quoad salus hominis requirit, ex eo possit sumere, quod ipsimet occurrat, dum eos legit, ab omni alio affectu immunis, nisi eo, quo fertur ad salutem divini numinis obsequio sibi comparandam. Id quod tu sortassis inconveniens & absurdum judicabis, atq; inde inferre voles, de scripturæ sacre auctoritate, ac consequenter de religione Christia-

nâ non immerito dubitari posse. Ad me quod attinet, nihil hîc absurdi animadverto, nec asequi satî possum, quamobrem scriptura, sacra & unâ cum ea Christiana religio verissima esse nequeat, licet nulla detur ecclesia certa & in oculos incurrens, cujus dictû in explanatione sacrorum librorum, inque ipsius religionis dogmatibus alii stare debeant. Quod queri, quî controversiarum in rebus sacris obortientium judex sit futurus; ego vero respondeo, extra nos ipsos alio nobis judice opus non esse, quàm Deo & Christo, qui suâ sententiâ beabit, quotquot nostrum imbuti deprehendentur doctrinâ ad salutem consequendam necessariâ, si modo eam vitâ expresserimus, ceteros vero illâ destitutos condemnabit, tanquam eos, qui quod non eâ, qua par erat, probitate præditi essent, ipsi in causâ fuerint. Aliud judicium expectandum non est. Sibi quenque advigilare par est, idq; pro vero admittere ac tenere, licet universus terrarum orbis in alia omnia iret, quod ipsemet totus ad obsequium Dei conversus de genuino sacrarum literarum sensu arbitratur & intelligit. Et revera, quisquis ita comparatus est, si viderit hominem Pontificium, aut Calvinianum, aut Lutheranum, aut Anabaptistam, aut Arianum ferro flammive, ut tu ais, doctrinâ suâ tuendæ causâ vitâ objicere, cum nec alterius animum exactè perspicere, nec quâ ratione ad credenda ea, quæ credit, adductus sit, intelligere, nec occulta judicii divini ingenio penetrare possit: rem in integro relin-

C 5

quet,

quet, seu Deo potius permittet, nec ob id vel tantillum de eo ambiget, quod verum jam cognovit, animoq; comprehendit. Taceo, rarissimos ex iis, quos dixi, futuros, qui suâ voluntate ferrum aut flammâs eo sine subeant, ut nominatim & expressè rem non modo falsam (licet pro verâ ab ipsis creditam) sed & saluti hominum vi suâ officientem tueantur. Quod ad me attinet, nullum mihi est dubium, quin omnes illi sive Calviniani, sive Lutherani, sive Anabaptistæ, sive Arriani, qui se ad præscriptum Christi gesserint, (nec enim dubito, ex singulis istorum ordinibus tales non paucos aut esse, aut esse saltem posse) cœlestis vitæ hereditatem adituri sint. De Papisistis idem affirmare nolim, quos omnes hodie idololatrias esse statuo: novi verò, neminem idololatrarum salutis aternæ compotem fore. Ex iis, quæ adhuc dixi, intelligi posse existimo, in interpretandis sacris literis eo pacto, quo fieri id debere assero, nequa quam id, quod in principio, peti; quandoquidem uersi aliquid apud animum nostrum hic constitutamur, minimè opus est extra nos ipsos ad alienum iudicium recurrere: iudicium vero uniuscunque eo, prout explicui, modo adhibitum, modo illud fiet, scripturam sacram non esse rem inanem frustra que promulgatam (id quod huic disputationi tanquam certum substernimus) in rebus ad salutem obtinendam necessariis fallax esse non potest. Quantum ad res salutis non necessarias, idem in sacrarum literarum, quod in aliorum cuiuscunque generis librorum

brorum explicatione usaveniet, in quo nihil argui potest inconueniens. Ut enim suo quique modo illos interpretatur absq; eo, ut vel aliorum se subiciat iudicio, vel de vero illorum sensu ita quicquam habeat exploratum, ut error subesse nequeat: sic etiam in rebus salutis nostræ non necessariis sacrae literæ explicabuntur. Quanquam hæc quidem id insuper habent præ aliis eximium, quod cum res sint divinæ, ac proinde sibi ipsis contrariæ aut inter se dissentaneæ esse nequeant, ubique per se ipsas tuto explicari possint. id quod in aliis libris humano ingenio scriptis non aque contingit, qui & possunt esse & sunt sæpenumero discordes secum sibiq; ipsis repugnantes. Quid multum? omnis, mi Duditithi, difficultas ad sacrae scripturæ auctoritatem redit, quæ si probata fuerit, tota res meo iudicio facilis est & plana.

Ad libellum meum nihil adjeci, nec tibi scripsi, velle me eum Puccio mittere, nec quicquam me dixisse credo, unde opinari posses, velle me, ut illud exemplar, quod ad te miseram, mihi mitteres. Id tantum dixeram, me, cum illum denuo descripsissem Francisco Betto mittendum, paucula quadam immutasse non magni ferè momenti, quæ postea cognosces. Interim te rogabam, ut, sicubi me hallucinatum aut propositæ rei defuisse deprehendisses, liberrime aurem mihi velleres: quod nunc etiam ita te rogo, ut nunquam magis, præsertim cum ex iis, quæ scribis, colligere possim, tibi videri me nonnunquam & forte sæpius eò erroris delabi, ut id, quod est in principia

in principio petam, & non causam ut causam summam. Ego certe, cum illud, quod addis, verissimum mihi videatur, hoc est, quod & primæ classis scriptoribus non raro usu veniat, ut in ejusmodi labantur errores, id sedulo operam in scribendo dare soleo, ne ad illum lapidem impingam. Sed tamen ut is, qui vix inter minorum gentium scriptores censeremerear, & in logicis non ultra id, quod ipsa me natura docuit, profecerim, quod ipsum tamen perexiguum est: facile id tibi dem, me quantumcunq; animum attenderim, & ne istic laborer, cavere voluerim, parum id animadvertentem passim in eo offendere potuisse. Quo magis iterum te per eum, quo me complecteris, amorem, perq; eam, quâ te colo, observantiam etiam atq; etiam oro & obtestor, ut ne graveris paucis, quod tibi in proclivi est, distinctè mihi perscribere, ubinam tibi aut errasse, aut suscepto argumento defuisse videar in illo meo scripto; quod constitui prius non recognoscere, ne dum ultimam (ut ajunt) manum ei addere, quàm aut obtineam à te id, quod dixi, beneficii, aut omni illius obtinendi spe excidam. Iam priusquam disputationi circa veram ecclesiam jam inde ab initio motæ finem imponam, ad id seorsim respondendum mihi videtur, quod captatâ ex verbis mei occasione queris, qualinam illa futura sit ecclesia vera, quæ per tot secula errare possit? Ego, vir illustris, cum dixi, errorem de baptismo in verâ etiam ecclesiâ extare potuisse, non id his verbis mihi volui, illam ecclesiam, in

am, in qua error iste viguit, veram ecclesiam fuisse: sed ad id solummodo respondere volui, quod ajebas consecuturum, ut, si mea de baptismo sententia vera foret, ecclesia longissimum tempus in errore transegerit, tibi que demonstrare, etiamsi tandem id eveniret, quod dicis, absurdi nihil ad me inde redundaturum. Id ipsum respondeo ad illud, quod nunc ais de errore, qui tot exercuerit secula, quodq, nullum ecclesie illius vestigium compareat, in qua ea, que hac tempestate in paucorum animis subnascuntur, dogmata pro veris recepta sint. ideoq, dico, optime id posse consistere, ut ecclesia vera sit ecclesia, & nihilominus vel ipsas annorum chiliadas in erroribus hareat multu, ac nonnulla dogmata pro veris non agnoscat, que tamen sint verissima: modo in rebus salutis nostre necessariis non erret, nec tanquam falsa repudiet ea dogmata, sine quibus obsequium Christo constare non potest; que inter non est ullum eorum, que hac tempestate in paucorum animis subnascuntur, qualiaq, tu procul dubio intelligis. Neque eò affirmo, fuisse semper ecclesiam aliquam humanis oculis conspicuam, que vera fuerit ecclesia: sed occurro tantum objectioni tue, siue scrupulum dicere mavis, quo adduceris, ut credas, aut falsa esse id genus dogmata, aut non fuisse, saltem usq, ab Apostolorum ævo, ullam veram ecclesiam oculis conspicuam & frequentem, id quod tibi inconveniens admodum videtur, tibi q, dum id expendis, absurda multa ob oculos versari ais. Ego vero, ut vides, hoc,

des, hoc, quod affers, non affirmo; sed id tantum dixi atq; etiamnum dico, non videre me, cur id fieri nequeat: ea siquidem absurda, quæ tuo se conspectui offerunt, omnia, meo quidem iudicio, inde pullulant, quod liberum in homine arbitrium non ponas, quod illi tamen, ut mox dicam, verè inest. Sed prius uno verbo respondebo ad id, quod à me queris, ubi nam gentium incorrupta reperiatur doctrina, & quæ mortalium eâ sit imbutus? quippe dixeram, non promississe Christum, nolle se permittere, ut in doctrinâ erratur, sed ei, qui verâ doctrinâ sit imbutus, opem se laturum esse. Respondeo igitur nihil opus esse, nec quoratum faciamus Christi promissum, nec alia quapiam de causâ, quæ quidem iusta sit, ut sciatur, quinam sanâ doctrinâ sit imbutus, aut ut i digito demonstrari possit: sed satis esse, si credatur, prout creditum semper fuit, sanam doctrinam divinis literis comprehensam teneri: quin addo, fieri posse, ut nec hoc à nemine credatur &, quod amplius est, ne doctrina quidem sana ulli hominum insita sit, nec eo minus et Deus, et Christus verax, et cõstans, &, quoad convenit, misericors sit: quandoquidem, ut aliàs dixi, improbitas & malitia hominum iustam his omnibus causam præbere potest. Sed dici, aut dicere vis, hominem sine auxilio divino probû esse, nõ posse, quod auxilium non sit in potestate nostrâ positum. Ego verò respondeo, hominẽ ad eum probitatis terminum progredi posse, qui satis sit ad efficiendum, ne Deus id ipsi, quod jam concessit, subducatur, absq; alio
 ipsius

ipsius Dei auxilio: quod si tamen eo insuper auxilio, quod memoras, opus esset, id procul dubio eatenus in potestate nostrâ foret, quatenus nemini negaretur, nisi qui voluntate ac sponte suâ aliquid in se admisisset, quo se indignum eo reddidisset. Quod ait, Deum non ferre auxilium præterquam iis, quos sibi elegit, quorum numerus nec augeri nec minui possit: primum non multum ad rem facere videtur, quandoquidem auxilium, quod electis istiusmodi tanquam proprium munus concessum foret, non est auxilium illud, quo hic esset opus: facileq; fieri posset, ut quis nondum eò venisset improbitatû, ut excacari à Deo mereretur, & tamen in electorum istorum censu nomen nullum haberet. Sed deinde, ubinam queso in sacris hujus rei mentio habetur, aut quâ ratione probatur solos istos electos divini numinis auxilio sublevari, & ad unum usque omnes nominatim definitos esse, ut electorum albo nec accedere, nec decedere quinquam possit. Ego quidem pro meo captu nec rationem video ullam, nec sacras literas auctores habeo, quæ me tale quid doceant: quin potius innumera mihi videre videor argumenta, quæ sententiam plane contrariam apertissimè demonstrant. Tu vero subjungi, voluntatem Dei in agendo efficacem, scopumq; suum semper attingere, ac proinde, si quem ille probum esse velit, eum sine dubio talem fore, sin vero nolit, nullatenus talem evadere posse. Respondeo, voluntatem Dei absolutam, putâ cum quid ille omnino fieri vult, semper quidem in agendo

gendo efficacem esse, scopumq, suum attingere: sed voluntatem Dei, qua probos vult esse homines, absolutam aut esse, aut esse posse, id verò pernego. Probitas enim, quam Deus homini inesse vult, absolutam alterius voluntatem in se nō admittit, quandoquidem Deus hominem sua sponte, ac liberè vult esse probum, ita videlicet, uti posset, si vellet, eodem tempore improbus esse. Velle autem, ut quid omninò sit, & ut idem eodem tempore possit non esse; hæc duo ita sunt comparata, ut consistere simul nequeant. Nec inde sequitur, Deum probitatem istiusmodi non velle, veriore quodam modo, quo, ut voluntati alicujus substernatur, fieri potest: etiamsi contingere queat, ut raro, aut etiam (si ipsam rei naturam respiciamus) nunquam existat, quandoquidem, ut dixi, nullius necessitatis capax est. Quocirca si propriè loqui vellemus, non dicendum est, vult Deus, ut homo sit probus, sed potius, vellet, ut esset. Eodem modo cum dico, velle Deum, ut homo non minus possit improbus esse, quàm probus, licet illum probum esse mallet: non affirmo res duas sibi repugnantes, sed utramque verissimam. Verùm ut absolvam responsonem ad objectiones tuas, illud affirmo, si quando contingat hominem esse improbum, quamvis eum probum Deus esse mallet, non protinus majorem in homine, quàm in Deo efficaciam & agendi vim censendam: quandoquidem sua sponte id vult Deus, ut voluntatis sue effectus, putà hominem evadere probum, à liberà hominis voluntate dependeat, hoc est, ut sine illa
 ipsa

ipsa liberâ hominis voluntate effectus, quem diximus, existere nequeat.

Dolet mihi vehementer cogitationem stringendi calamum contra Atheismum in te refrixisse. Libri illius Gallici nullam aliâs mentionem unquam audiui fieri, daboq, operam quam possum maximam, ut illius exemplar alicunde mihi comparem. Sed persuasissimum habeo, ne comparandum quidem hunc esse ad illud opus, quod tu efficere nobis potuisses, quemadmodum & ex tuâ ipsius verbis colligere possum. Quod ad adorationem attinet, quandoquidem huc tandem etiam delaberis, prout aliâs scripsi, ad præcidendam omnem de vocibus litem quero, quotiescunq, perspicue probatum fuerit, Deum Christo largitum id, ex quo necessario sequitur, adorationem, id est, cultum divinum illi deberi, ac præterea expresse constituisse, ut quilibet eum adoret; quid tandem habeant reponere sive illi, qui ex adoratione Christi eandem illius cum Deo essentiam concludunt, sive isti, qui ob essentiae diversitatem honore adorationis eum tentant excludere? Dubium non est, par esse, ut tam hi, quam illi manus dent veritati, & agnoscant fateanturq, stupendum istud ac benignitatis plenum Dei opus, qui nostræ tantum salutis gratiâ, quoq, nos ad viam immortalitatis ingenti fiducia capeSSendam induceret, ad tanti potentatus, tantæque majestatis fastigium humanam nostram naturam extulit. quod opus adeo divinum nescio qui possit quenquam fugere, quandoquidem per omnes novi ac

D

partim

partim etiam veteris fœderis tabulas tot ac tam clara de illo testimonia consignata extant. Mitto exempla illius adorationis aliquammulta, quæ quidem sunt in promptu, eò quod non nisi contra alteram adversariorum partem pondus ullum habeant: contra quos sufficere crediderim, quæ literis jam antea tradidi, quæq;, si opus sit, ita aliquando locupletabo, ut nullus fortè locus ulli dubitationi reliquus sit futurus. Quod si erit, ut sermonem inter nos aliquando conseramus, confido fassurum te, habere me, quo omnes utriusque generis adversariorum rationes prorsus enervare queam. Atque hæc in præsens sufficiant.

Quod me circa ea, quæ primâ in assertionem vigesimam primam Collegii Posnaniensis animadversione scripsi, mones, id tale est, ut gratias tibi potius agere eo nomine debeam, quàm tu veniam à me requirere. Verum est, quatuor ad res advertendum esse. Prima earum est, nostros homines ita malè audire, ut neceſse sit nihil etiam silentio transmittere, quæ tam sinistram de illis opinionem alere ac fovere possunt: imò vel minima calumnie umbra revocanda est ad animum, operaq; danda, ut retundatur. Secunda est, adversarios nostros totoꝝ in eo esse, ut alii pessima quæque de nostris hominibus, quoad possunt, persvadeant: unde fit, ut sermonem de illis habentes, aut non advertant animum pro eo ac debebant ad id, quod dicunt, aut etiamsi de eo, quod gestum est, sit quæstio simplicem rei veritatem malitiosa

riosa narratione obsuscant & corrumpant. ita tamen ut, si doli manifestos teneas, postico aliquo elabi possint. idcirco è re est, istos nunc condocere facere, ut imposterum ita sermonem instituant, prout decet. Tertia est, verba illorum, quæ in, in quibus calumniæ herere dictum est, subjiciuntur, ita comparata esse, ut aliud eos nihil probare velle ostendam, quàm extare in Veteris Fœderis literis loca nonnulla, quæ de Christo Domino nostro capienda sint. Nescio igitur, unde id possit elici, quod tu affirmas, illos id agere, ut nostros homines reprehendant, eò quod filium illum æternum negent: quandoquidem & hoc negant nostri, filium illum ante virginis partum extitisse, & contra hanc sententiam nominatim jam inde à principio stylum isti vibrant. Præter hæc omnia, pars aliqua locorum, quæ in assertionem X XI laudant, nullam ne illud quidem probandi speciem habent, Filium Dei, antequam homo esset, extitisse: Sed id tantum demonstrandi, aliquo modo mentionem illius in antiqui Fœderis libris fieri. Quarta & ultima est, ultra ea omnia, quæ jam dicta sunt, nihil prætermittit, quin singulatim ad omnia loca, quæ isti in medium adducunt, æquè respondeatur, ac si prout debebant, locuti fuissent; ita ut liqueat unicuique, etiamsi tandem cavillatio aliqua intercurriset, (quod mihi certè non videtur) forum tamen aut arenam propterea non declinari. Et certè si cui cavillandi animus esset, omnia ista loca absque ullo responso sicco pede præteriri potuissent.

Illud est, quod isti, ut mihi videtur, adhuc respondere poterunt; ea, quæ hic asserunt, ex iis intelligi debere, quæ assertionem XVI leguntur, ubi proposita fuerint ea, quæ jam suo hic loco opere ipso præsent. Verùm cum ob ea, quæ dicta sunt, tum ob alia sortè, quæ dici possint, non deest, ut opinor, quod & verè, et cum honore nostro responderi posset.

Quod ad illud, Antequam Abraham, & quæ sequuntur, attinet, possem sanè uberiores illius explanationem, ut desideras, ad te mittere, ex quâ fortassis intelligeres, non modò nullam scripturæ sacræ vim fieri, minimeq; duriter eam torqueri, sed suum illi sensum restitui, qui verbis quàm simplicissimè respondeat, quiq; ad totum locum aptè quadret, & ob Grammaticæ legem planè sit necessarius. Sed prius me scire opus est, an illa ipsa explicatio, quæ quantum ad summam rei attinet, animadversionibus inserta est, tibi revera satisfaciat, nec ne. Hoc ed dico; quòd ostendas magnà meâ cum admiratione, te, quamvis iudicium de eâ tuum promas, illam tamen non legisse. Hanc enim tu interpretationem mihi tribuisti, Antequam esset Abraham, (id quod nomen ejus significat, pater multarum gentium) ego sum Abraham. Et tamen, ut intelligere poteris, si animadversionem quartam in assertionem secundam legeris, interpretatio illa, ut tribus dicam verbis, hæc est, ita illa verba capienda atque si scriptum esset, Amen, amen dico vobis, antequam Abraham fiat, quod ego sum. Deduxi latius explanationem

plicationem hanc in responsione meâ Andreæ Volani Parænesi oppositâ, quam Spiræ typis exprimendam curavit unâ cum aliis quibusdam, quibus meam se responsionem infringere existimat, quæ illi manu exarata transmissa fuit, non alio nomine, quàm cujusdam boni viri, eaq; de causâ Anonymum me vocat. De aliis responsionibus ipsi oppositis, quas ille tamen refellere nititur, nihil mihi constat: Rudneum tamē credo illum esse adversarium. Ita scribo, quod novum illud opus tibi visum existimem: cui refutando vix amplius quicquam requiritur, quàm ut meum illud in publicum edatur, quod quoniam non ab re fore credo, ut aliquâ ratione fiat, operam dabo, paucis quibusdam ad ampliorem veritatis illustrationem additis.

Quod ad locum ab aliis per apostrophem explicatum attinet, si animadversionem sextam in assertionem vigesimam primam legeris, videbis, missâ illâ explicatione aliam afferri novam, quam ego verissimam esse arbitror, & in quâ nihil coactum videre mihi videor. Quod si res exiget, illa etiam validius confirmabitur, ac præterea vel manibus id unicuique palpandum dabitur, fieri nullo modo posse, ut Apostolus voluerit dicere, verba illa, Tu in principio, & cætera, de ipso Dei filio intelligi. Explicatio illa per apostrophem à magno viro adinventâ fuit, & à multis præstanti iudicio præditis acceptata, egoq; peculiariter novi, Castellionem, si paulo diutius superfuisset, in suâ novi sæderis editione locum

illum non ut prius, Et, Tu principio, Domine, sed Tu verò, Domine, translaturum fuisse.

Sed ecce tibi de utriusque fœderis miraculis. Tu quidem, vir illustris, ratione à me in mediū adductā objectionem tuā non solvi asseris: at interea non respondes, meo iudicio, ad id, quod dixerā, nec ubinam illa infirmitas aut fallacia in responsione mea hæreat, ostendis, sed tantūmodo aliquanto fusiùs objectionem tuam explicas, nihil tamen attexens, ad quod, nisi vehementer fallor, nō sit satis superq; responsū. Et sperare juvat, si restat mea apud te epistola, siq; ea, quæ respondi, relegere dignaberis, fassurū te, nihil me à vero alienum dicere. Nihilominus ut tantò uberius tibi satisfaciam, denuò me ad respondendū tibi convertā adjunctis ad ea, quæ prius scripseram, nōnullis, quæ fortassis non exigui erunt momenti. Iā hæc sunt ipsissima verba, quibus de integro objectionem tuam exponū: Quis non agnoscat, si rerum terrenarum, quæq; nulla ratione cum spiritualibus ac æternis comparandæ sunt, gratiā tot ac tanta sint edita miracula: rationi multò magis consentaneū videri, ut ad faciendā fidem ac spem rerū magis incredibilium longeq; majorum, aut eadem, aut etiā multò majora patrentur. Iam hic primum illud tenendum est, utrū in istā tuā ratione res majores minoresve per se considerentur, quatenus simpliciter res majores, quā tales, majora etiam miracula aut saltem aqualia iis, quæ minoribus in rebus edita sunt,

sunt, requirere videantur, an verò eatenus, quatenus res majores minoribus minus sunt credibiles. Quod si per seipsas considerentur, meo judicio, non tenuis hic latet fallacia: nec enim revera ob ipsam promissorum magnitudinem magna in adminicula, quibus firmentur, adjungi consueverunt, sed quia magnitudini id conjunctum esse solet, ut parum inveniat fidei, cui stabiliendæ adminicula illa revera requiruntur: adeò quidem ut, si contingat, quod facile potest, ut promissum aliquod, quamvis ingens, satis tamen sit credibile, nihil opus sit multis ac grandibus ad illud confirmandum adminiculis; quemadmodum si contrà eveniat, ut promissum aliquod, licet exiguum, parum sit credibile, multis illud ac grandibus adminiculis, quibus roboretur, opus habebit. Vnde luce meridianâ clariùs liquet, quod promissa aliqua vel magis vel minus sint credibilia, id solum in causa esse, cur illis confirmandis vel pauca & exigua, vel multa & grandia adminicula adhibeantur, aut etiam adhiberi debeant. Vt igitur probe excutiat ratio à te allata, id solum expendendum venit, utra promissa magis vel credibilia sint, vel incredibilia, illanè quæ sub Veteri, an quæ sub Novo Fœdere facta sunt? Quod si ostendatur, promissa sub Novo Fœdere facta, licet longè majora, non modò incredibilia, sed etiam credibilia in, quæ sub novo facta sunt, esse, jam tua mihi ratio penitus prostrata videtur. Rem autem aliquam promissam incredibilem esse, id vel per se, vel ratione

ejus, cui promissa est, habita expendi potest. De eo, quod res aliqua per se sit incredibilis, non est cur verbum faciamus: id potius est ut de eo, quod illorum, quibus promissa est, respectu incredibilis sit, explicemus. Quam ob causam probe animadvertendum est, quinam sint, quibus facta sint ea, de quibus nobis sermo est, promissa: id quod paulò post suo loco curæ nobis habebimus. Iam quod res aliqua promissa incredibilis obveniat animo ejus, cui promissa est, id vel inde potest oriri, quod res ipsa per se videatur impossibilis, vel quod impossibilis ei, qui illam promisit, vel quod parum verisimile videatur, illum, qui promississe perhibetur, verè eam promississe, aut, etiamsi promiserit, fidem præstiturum. Quantum ad illud, ut res per se impossibilis videatur, utiq, promissa Novi Fœderis ejus esse generis, affirmari non potest. Illi enim, quibus primum ea facta fuerunt (Iudeos intelligo) jam antea generatim quedam his similia credebant: cùm, exceptis Sadduceis, qui non ita multi erant, ceteri omnes aliam post hanc restare vitam felicitate refertam iis, qui in hac se vitâ ad normam divinæ legis composuissent, persuasum haberent. Nec ab illis diversæ abibant gentes, quibus post illos eadem promissa oblata fuerunt: jam enim generatim omnibus persuasum erat, hominibus probis post vitam hanc præmium virtuti illorum conveniens repositum esse. Nec modus præmium illud conferendi in Novo Fœdere expressus Iudæis impossibilis reputabatur, ut qui jam aliquam

quam ipsi sibi resurrectionem imaginati erant, & inter gentes, præter multos sapientiæ opinione celebratos, qui animarum ex uno corpore in aliud migrationem credebant, vulgus ipsum, quod ea sibi tormenta quedam apud inferos pervaserat, quæ secundum ipsum sine corpore nec erant, nec esse poterant, resurrectionem pro re impossibili ducere nequibat, ita præsertim explicatam, ut debet, cum ita comparata sit, ut nihil in illâ secum pugnans inveniatur, nec aliud quicquam sit, unde appareat, nullo eam modo fieri posse. id quod multò etiam magis illorum, qui sapientes usurpati sunt, quam vulgi causâ dictum velim. Ita ut hæc in parte, quâ an res promissa secundum eorum sententiam, quibus promissa est, impossibilis sit, queritur, nihilo meliore conditione sint res, quæ sub Veteri Fœdere promissæ sunt, in, quæ sub Novo. Sequitur, ut dispiciamus, utra promissa Deo, qui utrique obstrinxit fidem suam, magis possibilia sint. Hic quoque, certè nihil potest esse discriminis, quandoquidem Deus tam ab hoc, quam ab illo populo quicquid factu possibile est, facere posse existimatus est. Atque hinc patet, me, cum alias eodem hoc in argumento potentiam divinam allegassem, minime intempestivam, imò necessariam, nisi fallor, illius mentionem iniecisse, quamvis aliud tibi visum fuerit. Enimvero redderet id res sub novo fœdere promissas omnino incredibiles, si existimaretur Deus, qui illas pollicitus est, non posse verba ad rem confer-

re: quemadmodum sane multi opinati sunt atq; etiamnum opinantur, ut quibus resurrectio res plane impossibilis videatur. Necessitas igitur requirit, ut ostendatur, eam non esse tale quippiam, quod efficere Deus nequeat, aut saltem eos, quibus factum est promissum, generatim, id præstari posse, credere. Quantum ad illud, an verisimile videatur, Deum sive hujus, sive illius promissi auctorem esse, inque opere complendis obstringi, in quo, ut mihi videtur, totius hujus questionis nodus est; respondeo, illis, quibus facta sunt promissa, verosimilius videri, Deum illorum, quæ sub novo, quam quæ sub veteri sædere promissa sunt, auctorem esse, eiq; deinde opere complendis obstringi, idq; multas ob causas. Primum enim Deo per se digniora sunt promissa novi, quam veteris sæderis, maximè cum obedientiæ, quæ ipsi Deo præstatur, premium esse debeat. Ita enim moribus comparatum videmus, ut principes justî, sapientes ac liberales ministros sibi morigeros magnificè remunerentur, ea illis præmia tribuendo, quæ suæ magis magnitudini, quam illorum humilitati conveniant. Et quantillum id est quæso, tanto numini res illas omnes homini obsequium sibi præstanti in veteri sædere promissas dare atq; impertire? An non ipse ad intendendam argumenti tui vim affirmas, monarcham interdum aliquem uni ex proceribus navata operæ premium fere tantum largiri, quanti erat vel universa illa regio, quam populo illi Deus erat pollicitus; & ex dynasti, quibus modo me-

diocres

diocres sint opes, suis quæque ministris majora donare, quàm singuli in illo populo nanciscebantur? Ita ut meo judicio (quamvis res ex parte fortassis aliter se habeat, ac tu dicis) dum aliò sorte respici, hoc est, ut universam historiam, ipsamq; religionem sacris literis comprehensam parum verisimilem arguas, in hac disputatione contra teipsum argumenteris, & demonstrates, verosimilius esse, novi, quam veteris fœderis promissiones à Deo profectas, ac proinde illas novi fœderis ea parte, qua pluris interest, magis esse credibiles, ideòq; miraculis paucioribus, quibus confirmantur, indigere. Hinc patet, quantum absuerim ab eo, quod tu tibi propemodum persuasisti, ut illudere tibi voluerim, cum scriberem, eo quòd novi fœderis promissiones longe majoris sint precii, quàm illæ veteris, non modo majoribus ad illas confirmandas præsidii opus non fuisse, sed etiam illud ipsum in causa fuisse, ut, etiamsi multo minora adhibita fuissent, ea tamen sufficere potuissent: præsertim cum id primum probassem non modo ratione istâ, quam breviter hic innui, sed etiam aliâ quadam, nî fallor, satis validâ, quâ id ob oculos tibi posui, lubentius unumqueng; conniti, viresq; suas intendere ob res maximas, quamvis exigua eas adipiscendi spes affulgeat, quam ob res exiguas, licet magnam earum spem habeat. Nec vero scripsi simpliciter (ut tu mihi tribuis) ubi causa est infirmior, majoribus miraculis opus esse, & proinde sub veteri fœdere ita fieri debuisse. Sed ut ad primam rationem revertar, quid quæso Deo ju-

flissimo, sapientissimo & liberalissimo dignius est, quam ut iis, qui ipsius obsequio vitam impendere, & inter acerbos cruciatus spiritum excludere, prout sanè par est, atq; ipse fieri vult, non recusant, vitam felicem atq; immortalem reddat, præsertim cum homo naturâ ad felicitatem ipsamq; immortalitatem aspires, nec sine immortalitate verè felix dici possit; imo cum alia bona, quantacunq; fuerint, sine illâ nil sint nisi fumus & umbra? Præterea plurimû mortalium ab omni ævo parum id visum est verisimile, Deum obedientiam sibi præstitam rebus earum similium, quæ sub veteri fœdere promissæ fuerunt, remunerare velle ac remunerare, cum ipsis videatur, easdem res non ab illis tantum, qui Deum nullatenus cognitum habent, sed & qui ei utut cognito malè morigeri sunt, teneri. unde factum, ut homines generatim, immortalitatis desiderio simul exstimulati, etiam sine ullâ, seu promissione verâ, seu illius specie, à Deo sibi oblatâ, aliam sibi quandam vitam cogitatione depinxerint, & satis firmiter persuaferint; tantum abest, ut parum illis res videri possit verisimilis, ubi Dei nomine illis promittitur, idq; ita, ut fides ei non levibus documentis fiat. Quapropter videre nequeo, cur dicas, adeo id esse homini difficile, ut aliam post hanc restare vitam credat; in os enim tibi reclamant perpetua tot seculorum inde ab omni memoriâ experimenta, contra quæ nec illæ, quas tu allegas rationes, nec quotquot unquam allegari poterunt, quicquam virium habent.

Ex hac

Ex hac ratione & altera suppullulat, ob quam novi fœderis promissa verosimilius, quàm illa veteris à Deo proficisci, per seipsa iis, quibus & hac & illa facta sunt, videri potuerunt. Vt enim suprâ quoque commemoratum fuit, cum novi fœderis promissa promulgata sunt, jam tum hac opinione homines isti generatim erant imbuti, post hanc vitam ab eo, quem cura hac tangebatur, aliam multo beatissimam iis, qui se probè gessissent, preparatam atq; adornatam esse; cum quidem non constet, nec admodum vero sit simile, iis, quibus ab initio veteris fœderis promissiones oblatæ fuerunt, jam tum hac eos opinione generatim fuisse, præmium aliquod viros bonos hoc in orbe manere: imo vero ob gravissimas calamitates, quibus per annos multos totus ille populus jam tum premebatur, causam habebant, cur quidvis potius crederent. Iam licet, ut dixi, rationes, quas in medium affers, quo probes promissa novi fœderis parum credibilia, nihil habeant virium ad elevandum id, quod certissimis, & continuis post hominum memoriam experimentis, quæ luculentè fidem eis ab infinitis hominibus adhibitam restantur, comperitum est, & idcirco sine responso transmitti possent: nolo tamen silentio id involvere, videre me nō posse, qui possit illis esse locus, etiamsi experimenta illa non obstarent. Promissa enim illa, de quibus nobis sermo est, hoc uno maxime continentur, & huc tandem redeunt, nos, postquam rebus humanis semel valedixerimus, resurrecturos à morte, & in vitam, quando-

quandocunq; tandem id futurum sit, redituros, ita
tamen, ut mortalitatis legi non amplius simus sub-
jecti, sed perenni felicitate affluamus. id quod pri-
mum non video, quî rationi, ut tu affirmas, adver-
setur, dummodo illud stet, quod suprâ positum fuit,
verosimile esse, Deum id & velle, & certe facere
posse. Nec vero magis id repugnat illis sensibus, quos
natura animis nostris impressit, quamdiu id impossi-
bile aut absimile vero non reputatur, nisi eatenus,
quatenus ratio ac modus illius mente non concipi-
tur, aut etiam satî intelligitur, ordinariâ naturæ
lege fieri id nequaquam posse, quod nos certe parum
angit, modo quacunque id tandem ratione fieri
queat, cum id jam ponatur, imo omni modo requi-
ratur, ut ne sit ordinarium naturæ opus, sed extra
omnem ordinem à solâ illius voluntate profiscen-
tur, qui aut ipsa est natura, aut illius certe conditor
& dominus. Quî autem experimento resurrectio e-
jusmodi adversetur, cum ratio illius ita comparata
sit, ut non modo esse, aut fieri, aut usu aliquando e-
venisse non dicatur, sed etiam disertè nec esse, nec
ullo modo unquam evenisse affirmetur, nisi in solo
Christo? Quod autem in Christo usu venerit, ejus rei
argumenta & indicia habemus adeo magna adeoq;
valida, ut dici possimus ipso id experimento didicu-
se, rem esse & possibilem & verosimilem, nedum ex-
perientia scrupulum nobis injiciat an non contra se
res habeat. Tu vero, præter promissiones, illa etiam,
quæ sub novo fœdere à Deo facta referuntur, tan-
quam

quam parum credibilia, pensitas. At ea si probè intellecta fuerint, non modò parum credibilia non videbuntur, sed quilibet potius admirabitur in hoc sapientiam Dei, quicum homines voluntariè sibi obediētes, felicitati ac immortalitati compotes efficere statuisset, non potuit ad hunc finem quicquam vel nobis aprius vel se dignius moliri. Sed, ut monui, probè sunt illa mente percipienda, hoc est, eo modo, quo in sacris ipsius novi fœderis literis leguntur satisq; clare sunt consignata sine additamentis & commentis ridiculis hominum, ut ne quid durius dicam, nimis audacium: quibus id debemus, ut Christiana religio magnâ cum injuriâ res ab omni veri similitudine alienas adeoque impossibiles ambitu suo complecti existimata fuerit. Denique & illud mihi expendendum videtur, quod tu veteris fœderis promissiones ex eo interpretari, quod in illius regionis tantopere celebrata dominatu populus Israëliticus sit locatus: quod meâ quidem sententiâ aliter se habet. Vera enim illius fœderis, quod Deus per Moysen cum populo illo pepigit, promissa constant favore cœli & affluentia rerum omnium in hoc terrarum orbe, qua populus ille perpetuò floruisset, si frangi Deoq; morigerus fuisset. Regio vero illa jam pridem à Deo populo illi promissa ac destinata erat ante Moysen, nec ab ullo demum in mercedem recte factorum ipsis assignata: quanquam adeo vix quinquam illorum ipsorum, qui ex Ægypto se receperant, pedem in illam intulerit, nulla nisi perversitatis suæ culpa.

culpa. Hoc totum ed dico, quòd disputationem omnem ad ea miracula reducere videaris, quæ perpetrata prius fuerunt, quam populus ille regionis istius imperio potitus fuit, quæ plura ac majora fuisse vñ, quam illa novi sæderis. Atqui difficultas questionis in eo, nñ fallor, consistit, quod miracula illa longinquo tot annorum tractu continenter edita sint, ex quo Deus cum populo isto sædus per Moſen icit, quæ pari serie. sædus per Christum icitum consecuta non videntur. Aliàs enim ostendi facile posse existimarem, miracula à Christo & Apostolis edita longè & numero & magnitudine anteire illis, quæ Moſes edidit: quæve alio quocunq; modo à Deo edita fuerunt ab eo die, quo Deus Moſi id muneris imposuit, ut populum Israëliticum ex Ægypto liberaret, ac medius inter se & populum intercederet, usque ad id tempus, quo Iosua populum illum in possessione regionis illius collocavit. quod cùm, ut ipsemet aſſeris, facile factu eſſet; satiq; credibile, armata manu à populo tam numeroso obtineri posse; ideo opus fuit, ut Deus tot edendo miracula testatum faceret, se esse, qui regionem hanc illis tenendam daret: alioquin acceptam illi, ut volebat, utq; verum erat, non retuliſſent, sed bonæ cuidam fortune, suisq; viribus. Adeò ut illa ipsa ratio, propter quam tantis miraculis nihil opus fuisse existimas, mihi contrarium ejus demonstrare, & præcipua causa, cur facta sint, eſſe videatur. Iam quod ad alteram meam rationem attinet, quæ non promiſſiones, sed præcepta respicit:

spicit; illud quod tu, vir illustrè, affirmas, esse etiam in novo fœdere, quæ non minus levia ac superstitionosa videantur, quam illa veteris, eam minime elidit; ed quod ex illis, quæ seu jure seu injuriâ talia videri queant, nihil affirmem in novo fœdere nobis imperatum, præter Domini canam, quæ cum nec temporis, nec loci, nec certæ ac præscriptæ verborum gestuumve formæ astricta sit, nisi id admodum generaliter atq; universè, cumq; manifestè ad id, cujus gratiâ instituta fuit, accommodatissima sit, nec minus finis ejus convenientissimus, ac tantum non necessarius, dum illud nobis stat firmum, quod Deus & Christus nostri causâ summâ cum sapientiâ egit, videre nequeo, qui possit illa res aut levis aut superstitionosa videri, & sola ex adverso opponi sexcentis antiqui fœderis rebus, quæ aut omnino conditionibus, quas supra memoravimus, carent, aut iis saltem præditæ nesciuntur, edq; non immerito superstitionose ac leves videri possint. Neq; id, quod addis, sub N. F. etiam illa, quæ in veteri tradita fuerunt, necessario credenda esse, quomodo aut verum sit, aut ad rem faciat, intelligo. Sanè quidem sub novo fœdere & illa, quæ in veteri tradita sunt, creduntur, non quod ea nobis creditu necessaria sint, sed quod fide iis adhibita, quæ novo fœdere continentur, quæq; idoneis argumentis per seipsa abunde nituntur, & illa, quæ veteri fœdere comprehenduntur, qualiacunq; tandem sint, credi sine ullo alio argumento, (saltem implicitè atq; involutè, consecrarium est:

E

quanquã

quanquam interea fieri possit, ut qui eorum, quæ no-
 vo fœdere tradita sunt, tantum & nôrit & persua-
 sum sibi habeat, quantum ei ad salutem obtinen-
 dam sit satis, & tamen aut nesciat, aut non credat
 multa veteris fœderis, imo ne unum quidem eorum,
 quæ illi propria, ejusq; generis sunt, de quo nobis est
 sermo. Quin ausim dicere, ut qui vere Christianus
 audiat, ne ipsius quidem V. F. notitiâ ei ullam
 habere necessum esse. Præterea etiamsi detur ea,
 quæ veteri fœdere continentur, homini Christiano
 necessario cognoscenda ac credenda esse; jam tamen
 ponitur, illa sibi proprii iug, satis validi fidei docu-
 menti olim stabilita fuisse, quorum indicia atq; ve-
 stigia admodum evidentia & in historiæ veracis
 monumentis, & in publicâ famâ, & in ipsâ re ocu-
 li etiamnum obversante restant. His omnibus ac-
 cedit, ea quæ veteris fœderis sunt propria, alio mo-
 do sub novo putari fœdere, quam sub veteri puta-
 bantur, alioq; in gradu nunc, quam olim, collocari.
 Tunc enim temporis habebantur & haberi debe-
 bant pro veris ac solidis, quibusq; æterna ac immu-
 tabilis divini numinis voluntas ex parte continere-
 tur; nunc vero & habentur & haberi debent pro
 umbris ac figuris aliarum rerum, quæq; aliquando
 mutari à Deo debuerint, succedentibus in illorum
 locum iis, quæ ævum ferre perpetuum semperq; obti-
 nere debebant, ita ut nunc, licet argumenta illa ab-
 essent, minime tamen difficile sit fidem illis adjun-
 gere, quantumcunq; & leves & superstitiose vide-
 antur;

antur; imò verò liquet, conveniens, ut ita comparata essent, fuisse, siquidem obsolescere aliquando debent: ideoq; vel sola novi fœderis promulgatio dubiis omnibus tollendis sufficit, quæ de istis in animo cujusquam oboriri possent. Denique quia dixeram, miracula sub novo fœdere edita, dum Christi disciplina etiamnum recens ac velut in cunabulis esset, in futurum sufficere potuisse, quod rationibus in medium adductis confirmavi: tu eò jam revertaris, ut dicas, illa tibi non videri sufficere iis, qui rei gestæ non adfuerint, & de històriæ fide ambigant. Sed respondeo denuò, eos, qui, quod rei gestæ non adfuerint, de històriæ fide ambigunt, prorsus injuriâ id facere, nec nisi improbitate aut saltem langvore quodam pietatis inductos, quem Deus hac ratione detegere, & si usus fuerit, quacunque pœna coercere, aut vindicare vult. Fateor sanè (quod & ex illo Christi dicto, Beati qui non viderunt, & quæ sequuntur, erui potest) illos, qui rei gestæ coram adfuerunt, suiq; ipsorum oculis omnia sunt contuiti, meliori fuisse conditione, quàm cæteri; nec eò tamen do, illi, qui rei gestæ coram non adfuerunt, nec suis ipsorum oculis omnia sunt contuiti, difficile esse fidem habere històriæ, de quâ nobis est sermo, modò ne sint malitiâ depravati, aut aliàs parum apti, qui fiant probi. Et certè, si id, quod dicis, històriæ fidem in dubiùm vocari posse, quia gestæ rei non interfuerit, tanti foret, ut illius in hoc argumento nostro habenda esset ratio: opus fuisset, ut miracula continenter

nenter edita fuissent, atque etiamnum perpetuo ederentur, idq; sic, ut in cujuslibet oculos incurrerent: quod sanè, præterquam quod nec sub veteri quidem fœdere usu venit, in causâ cum fuisset olim, tum hodie foret, uti aliàs dixi, ut nec fides verè exerceri, nec humana sive probitas sive improbitas in apertum protrahi posset. Et hæc responsionis loco ad illa, quæ circa miracula veteris noviq; fœderis à te disputata sunt, ut credo, suffecerint. quæ si iis, quæ primum tibi scripsi, quæq; primæ tuæ responsioni reposui, jungantur, & exactè trutinentur, spero te agiturum, rationes & multas & validas in promptu esse, quibus unicuique de quæstione illâ satisfiat: nec dicam tot alia adjungi posse argumenta, quibus præter miracula novi fœderis auctoritas suffulta fuit, quibus aut omnino, aut saltem magnâ ex parte destitutum fuit vetus, quæque aut parem, aut non multò minorem miraculis vim habent. Vnde fit, ut, quemadmodum, si benè memini. Picus (vir sublimis ingenii, ut omnes nôrunt, cujusq; pietatem, quotquot magni sunt ingenii, ante oculos sibi proponere debebant) in quadam ad nepotem suum epistola agebat, non minus stultus, quàm noxius sit eorum error, qui de religione Christianâ dubii haberent.

Quod me rogas, an in veteris fœderis literis id tibi ostendere possim, vitam æternam eamq; beatitatem, quæ Christianis promissa est, populo illi obtingere debuisse: ego verò, cum semper affirmem, promissa sub veteri fœdere facta rerum duntaxat temporarium

riarum hujusq; vitæ fuisse, crediderim, necessariò inde concludi debere, non modò me id non posse, sed etiam pro certissimo habere, nec alium quenkum id posse demonstrare. Hinc etiam, ut tu colligis, egoq; innueram, potissimum sit, ut populus ille carnalis sit appellatus: quales enim promissiones fuerunt, talia & præcepta fuisse necesse est, quorum causâ populus ille ad Christianismum comparatus pariter carnalis nominari potuit. Non igitur vel de immortalitate animæ, vel de alterâ aliquâ vitâ ullam in universis veteris sæderis literis mentionem claram atque apertam unquam fieri credo: agnosco tamen, multa ibi reperiri loca, quæ mysticè de aliâ quadam vitâ futurâ loquantur, eamvè innuant, inter quæ & ille est à Domino Iesu explicatus, Ego Deus Abraham, Deus Isaac, & cætera. ex qua explicatione id potest colligi, (quod & ex aliis novi sæderis locis potest) quantumvis populo illi vita futura aliavè præterquam hujus vitæ bonæ clarè atque apertè promissa nunquam fuerint: nihilominus illos, qui Deo ad exemplum Abraham, Isaaci, & Iacobi obtemperaverint, unâ cum veris Christianis ad vitam immortaliter agendam resurrecturos.

Ad questionem de æqualitate aut inæqualitate beatitudinis in alterâ illâ vitâ, vix possim nunc ita præcisè respondere, tanquam is, qui nunquam de eo multum laboravi, id me perspectum habere contentus, quotquot ad nutum Christi vitam instituerint, omnes immortales ac beatos fore. Ausim ta-

men dicere, magis me in tuam, quàm in illam amici tui sententiam inclinare, cùm & ratio exemplis nonnullis, ac testificationibus divinæ voluntatis de puniendis ac remunerandis hominibus suffulta, & singularia quædam loca in novi fœderis literis de præmiis alterius illius vitæ loquentia, demonstrare videantur, quamvis omnes, qui fidem Christo integrè præstiterint, vitâ sempiternâ nec unquam destitutâ munerandi sint, servandam tamen inter eos aliquam inæqualitatem præmiî, aut, si ita malis, beatitudinî, prout magis minusve (ita tamen, ut insignis sit discrimen) hac in vitâ Dei Christiq; obsequio insudaverint. nec facile persuaderi mihi patiar, Paulum, exempli gratiâ, aliquem, quem Christus tanta ac tam diu ob nomen suum exantlare atque sufferre voluit, in alterâ illâ vitâ nullâ gavisurum prærogativâ præ latrone illo, qui tum demum, cùm animam jam pœnè efflaturus esset, Christum pro Rege ac Domino suo agnovit. In Apocalypsi (quanquam liber ille sit aliàs obscurissimus) loca quædã extare videntur, quæ indicium satû manifestum præbeant alicujus inter præmia inæqualitatis: quandoquidem interdum, dum de præmiis conferendis disseritur, certum quoddam Dei ac Christi servorum genus à reliquis distinguitur. Videatur id, quod septimo capite scriptum legitur, distinctioq; illa consideretur, quæ inter eos, qui stolis candidis amicti erant, & inter reliquos constituitur, initio facta à versiculo decimotertio usq; ad extremû. Videatur deinde & illud,

illud, quod capite XIV ver. 3. 4. & 5 scriptum est: item legatur adhuc attento animo cap. vigesimum, & videbitur in eo, quod aliis prius, aliis posterius tribuendum sit premium, discrimen poni inter Christi martyres & qui bestia repugnauerint, interq; reliquos, qui salutis æternæ compotes fient, quamvis vitam testimonio religionis non impenderint, nec illo tempore in vivis fuerint, quo bestia rerum est potita. Quomocunque enim prima illa resurrectio accipiat (quam, si verum fateri debeo, non ita præcise, ut verba sonant, intelligendam censeo) negari tamen distinctio non potest, quæ inæqualitatem præmii non obscure indicat. Quid de eo dicemus, quod Christus apostolis peculiariter promisit Matth. XIX. vers. 28. & Lucæ XXII. ver. 30? quid de eo, quod scriptum est Luc. XIX. ver. 17, & 18, ubi clare patet, majus persolvi premium ei, cujus opera majori fuerat usui, quamvis modus ac ratio, quæ id perfectum est, à Domino tota manasset. Consideratione dignum est etiam id, quod II ad Cor. IX ver. 6. scriptum est, sicum eo, quod est ad Gal. VI ver. 9. & 10. & Lucæ XVI ver. 9. jungatur. Nec desunt alia, ut opinor, loca, unde præmiorum in alterâ vitâ inæqualitas deduci potest: nam in hac quidem vitâ omnes eam agnoscunt. Et certè si de pœnarum inæqualitate nullum potest esse dubium ob id, quod scriptum est Luc. XII ver. 47, & 48 nō video, quomobrem de illâ præmiorum inæqualitate dubitandum sit, aut saltem cur mira cuiquam videri debeat, si ve

in hac, sive in alterâ illâ vitâ. Rationes à Petro Martyre allatæ me fugiunt: sed fortassis non erunt resutatu admodum difficiles. Multi magnum in illâ parabolâ Matth: XX robur ponunt: ego verò non puto aliud inde quicquam elici posse præter paritatem in re ipsâ, inq̃, præcipuo præmii illius secundum promissionem momento, quandoquidem æterna vita perinde omnibus est promissa; si modo de vitæ æternæ præmio illic est sermo. Quanquam enim id antehac credidi ac nescio ubi aßerui; jam ab aliquo tamen tempore, quum aliâ quadam de causâ in illâ parabolâ opera mihi singulatim ac sedulo ponenda esset, cepi id in dubium revocare, atque etiamnum aqua mihi hæret.

Videre potuisti, vir illustri, quantacum libertate semper responderim, & de iis, quæcunque ad me scripisti, sermonem tecum contulerim: atque ita vellem, ut & tu mecum ageres, misso illo civilitatis apparatu, quo & in exponendâ mihi sententia tua, & in proponendû dubiis uteris. Credas mihi velim, meæ me tenuitatis probè mihi consciû, idq̃, satû habere perspectum, me nec ad disputandum cum hominibus tuæ sortis, nec ad tibi de questionibus tam sublimibus satisfaciendum, aptum esse. Quinimò novi aut tenendum mihi silentium, aut saltem veniam à te petendam, quod ita liberè tibi respondeam tecumq̃, sermonem conseram, tantum abest, ut, quod tu nimîa cum modestiâ facis, venia tibi exoranda sit objectionum questionumq̃, quas mihi proponis,

ponis, quibus multum sanè honoris mihi habes, meq;
atatem tibi devincis. Faxit Deus, ut quod uterque
tempus in hac talia impendimus, non frustra sit col-
locatum. Equidem nihil dubito, aliquem inde fru-
ctum nominatim ad te ipsum redundaturum, si, ut
eandem gratiam atque favorem, quem mihi exhi-
bes, porro cumules, prout innui ab initio, animum ad
ea, de quibus inter nos est sermo, seridò advertere di-
ligenterq;, quæ tibi scripsi, considerare dignaberis,
devorans pro tua benignitate hanc qualemcunque
molestiam, quam, dum id agis, ex meâ in scribendo
imperitiâ capere possis: maximè verò si ita compo-
sueris animum, ut omnem moveas lapidem, quan-
tum quidem in te est, quo officii tui munus impleas,
& si possit fieri, ad beatitudinem atque immortali-
tatem pervenias. quæ sola animi tui destinatio o-
mnem tam in agendo, quam in credendo difficulta-
tem, quacunque oboriri tibi possit, multò magis
quàm cætera omnia, facilem ac planam reddere
potest. Adhuc, uti spero, ei rei tempus est; sed noli di-
utiùs illam procrastinare, tuamq; ipsius sortem tan-
dem miserare, quod Deus tibi fortunet. A me qui-
dem omnia summa in te studia officiaq; expecta.
Vale a. d. iv. Eid. Iunii, anno clclclxxxii.

Si ipsemet huc te non contuleris, velim ut per
hunc tabellarium librum meum de baptismo mihi
remittas. Habebis unà cum his literis alias à Theo-
baldo, qui primam inter me ac Puccium disputatio-
nem de mortalitate aut immortalitate primi homi-

nū ante lapsum suā tibi manu descriptā mittit. Si arriiseris argumentum, & videre tibi libuerit secundam disputationem longè fusiorem, poterit & illa deinde tibi mitti. Agnosces in hoc primo meo scripto impolitiam fortassis aliquantò maiorem, quam in ullo meorum alio: hanc ergo condones partim angustiae temporis, quā circumscribebar, partim quod tunc temporis ferè primū ad Latine scribendum animum applicabam.

Epistola IV.

Idem eidem.

Initium desideratur.

in medio vite cursu, anno aetatis XXXVII eo ipso tempore, cum amicorum precibus tandem permotus constituisset atq; etiam capisset, saltem inter ipsos, nonnulla in apertum proferre, breviter, cū fructum aliquem tantorum tamq; laboriosorum in theologiā studiorum videre debuisset, quem fructum alii postea ac fere statim ab illius morte viderunt, videntq; etiam nonnulli, qui longe plures illo annos habebant.

Sed ut de illo quoq; nonnihil dicam, quod de rebus adiaphoris scribis: mea tibi definitio mira videri non potest, si finem credendi, qui non alius est, quam actio ipsa, animo consideraveris. Id sane verum est, non posse te unquam argumenti huius perfectam asequi cognitionem, nisi caput de Iustificatione, de qua aliquando fortassis, si Deus voluerit, differemus, prius dextrè intellexeris. Quantum ad illud, quod ais, positā quoq; definitione illā meā, non

videre

videre te, qui possint pro rebus haberi adiaphoris illa, de quibus mihi scripseris, quæ mirifice inter nostros innoventur, ac nominatim notio illa Dei, sit ne trinus ille magis quam non trinus, quandoquidem (inquis) inter cetera religionis præcepta & hoc est, ut Deus cognoscatur, celebretur, gloriaq; cumuletur, utq; quod illi convenit, tribuatur, quæ quomodo fieri, nisi illa, quam diximus, notio habeatur, possint, non videas: quantum (inquam) ad totum illud attinet, mihi ita videtur, optimè posse credi, Deum esse creatorem, conservatorem, largitorem beneficium, dominum ac salutis nostræ auctorem, ut summatim dicam, omne id, quod requiri potest, quo ei confidamus, eum revereamur, precibus, quantum ac prout convenit, imploremus, denique omnibus rebus præponamus, in quo, meo iudicio, peculiaris illius cognitio, celebratio atque adoratio ab ipso præcepta præter reliquum mandati illius præstitum obsequium consistit: mihi, inquam, videtur, ea, quæ commemoravimus, optimè credi posse, ut ut nesciat quis, magis Deus sit trinus, quam non trinus, cum hæc notio ad res longè ab iis, de quibus modo sermo nobis fuit, diversas, hoc est, non ad aliquid, quod ad nos refertur, sed ad substantiæ sive essentiæ illius cognitionem pertineat, de qua non aliud nobis scire opus est, quam quod, ut eâ, qua dictum est, ratione erga illum nos geramus, requiritur, qualia sunt, ipsum esse unum, immortalem, æternum, & id genus alia, quæ pariter illi, qui trinum eum faciunt in personis, quam

quam qui non faciunt, persuasa sibi habent. Nec verò oculos hîc ad omnia consecraria, quæ verosimiliter ex hac illave opinione deduci possent, intentos habere oportet, eò quod pauci sunt, qui consecraria illa deducunt, aut etiam animadvertunt. alioquin vix quicquam inter ea, quæ in re religionis seu credenda seu non credenda veniunt, quod indifferens sit, reperiretur: adeo omnia inter se apta, unumq; ex altero nexum haberet.

Consilium tuum de modo scribendi, quo hoc argumentum, de quo inter nos potissimum disputatur, illustrem (si modo Deus, ut id prout vellem prestare possim, concesserit) mihi arridet: eo excepto, quod non intelligam, cur suadeas, ut rhetorum artem, moremq; concionandi in ejusmodi rebus suspendam nec enim mihi videor in ceteris meî scriptis ab eâ disputandi orbitâ deflexisse, quam tenere solent, qui cupiunt, ut eorum scripta lubenter ab iis quoq; legantur, qui dialectices præsidium non nisi à naturâ ipsâ sunt instructi, inter quos & me numeres licet. Nam ut rationes syllogismorum formulis constringantur, nisi postea dilatentur, atq; eo explicentur modo, ut quilibet eas capiat, eo præsertim in argumento, quale futurum est hoc, quod ut probè ac perspicuè ab unoquoq; hoc tempore intelligatur, necesse est; non video, quam laudem id mereatur. Quin & experientiâ magistrâ cognovi, libros atq; disputationes syllogismis perpetuis horrentes populi punctum non tulisse, & non nisi à paucissimis lectos esse.

Summa

Summâ, modus disputandi ut paulò sit popularior oportet, mixto atq; temperato dialectices rhetoricaq; artificio, prout locus atq; occasio tulerit. Atq; hac, prout mea fert opinio, affirmo, nec interea ignoro, mihi, ut id præstem, tantum virium non esse, fateorq; consilium tuum, si sane intelligatur, nequaquam aspernandum esse, meq; eo in tempore usurum recipio.

Cujusnam illa sint verba, à Beza pagina LXXIX & LXXX citata, me fugit. Interea dixerim, verum in iis falso remissum contineri, idq; ab ipso sortassis auctore non bene intellectum, quod si recte accipiatur, adjumento esse poterit, ad pervestigandum tanto acutius, quid sibi Paulus in illo nono ad Romanos capite voluerit. Id vero illud est, Paulum in totâ illâ dissertatione à destinatione servandi hos illosve damnandi rationem fidei, quam Christo habeant aut negent, nequaquam excludere voluisse. Ut autem tanto melius, quid velim dicere, intelligas, mitto tibi id, quod illo super capite ac parte aliqua undecimi ejusdem epistolæ jam ante annos quinque vernaculâ lingvâ, amico quodam rogante, succincte factû ac in modum paraphraseos literis mandavi: quanquam id quidem contra aut præter ordinem disputationi nostræ à me præfinitum; tu vero quid de eo tibi videatur, fac me postea quaso certior.

Mirum mihi accidit, quod argumenta te mea contra vulgarem opinionem circa VI I ad Romanos caput

caput non capere scribis. Vix potest aliter quin id stylo, quo animi mei sensa effero, sit imputandum, qui & alii, scio, obscuritate laborare videtur, cui tamen frustra lumen adhibere studeo. Quanquam credere juvat, novitati rerum id ex parte acceptum ferendum: cujus rei specimina manifesta & in meis & in aliorum verbis de rebus novis non semel vidi atq; comperi. quippe quæ licet, ut postea apparuit, ita clara atq; perspicua essent, ut nihil supra, tamen ne ab iis quidem, qui acumine aliquo præditi erant, satis intelligebantur. Si dignaberis opusculum illud meum relegere, aut si unquam id relegeris, pro certo habeo, dilucide omnia te, quæ illic scripta extant, percepturum. Et quoniam inquit, videri me tibi convellere ac subvertere peccatum originis: ubi tu mihi, quid tandem illud sit peccatum, dixeris, tum quoq; nam id convellam, nec ne, respondere tibi potero. Non credo, aliquam sive rem sive materiem esse, de qua minus inter scriptores conveniat, quæq; magis eos intricet, quam ista, illos præsertim, quos ecclesia Romana approbat, aut saltem hæreseos non arcessit. Auctor epistolæ, ad quam respondeo, est Iohannes Niemoievius, homo procul dubio, ut ipsemet iudicas, dignus, cujus consuetudo magni fiat, quemq; ipse vehementer & amo & æstimo & revereor, quanquam in non paucis opinionibus meis, quarum ad ipsum notitia pervenit, mirum in modum mihi sit adversatus atq; etiamnum adversetur. Verumenimvero de die in diem mitescit, ac paulatim animadvertit, non

esse

esse me tam atrum, quàm à nonnullis depingor: quin & in hac ipsâ disputatione, quantum ad præcipuum ejus caput, hoc est, an Paulus eo in loco de seipso tanquam regenerato loquatur necne, dici potest, eum manus jam dedisse, ut qui inter alia confessus sit, mea sibi responsione oculos apertos, ita ut longe melius, quàm prius, quod sit hominis Christiani officium, cognoscat.

Non puto me dixisse, mortis me desiderio teneri, sed hoc tantum, magni me id beneficii loco reputaturum, si Deo, ut pro divinâ ipsius veritate mortem oppeterem, videretur, meq; hac in parte non modo tot aliorum sibi adulatorum, sed & unici sibiq; charissimi filii dominiq; mei similem redderet. Nec possum dissimulare, mirum id in te sæpenumero mihi visum, quod aliâ te esse mente significes, teq; ne martyrio Christi vitam impendere cogari, optare affirmes. Quid ita vero? utne tantillum quod ad vivendum atatu tibi restat, reliquæ addas? quanti quæso sunt istæ aliquot annorum decades, quas exigere in hac vitâ possis amplius, si naturæ arbitrio mors tua relinquatur? imo quid forent vel secula & annorum chiliades, si fine nihilominus aliquo concluderentur? Revoca tibi in memoriam verba illa aureis exarari digna literis, quæ vir verâ Dei cognitione atq; omni alterius post hanc vitæ spem firmâ destitutus proferre noverat. Sed mihi ne diuturnum quidem quicquam videtur, in quo est aliquid extremum. cum enim id advenit, tunc illud,

illud, quod præterit, effluxit: tantum manet, quod virtute & recte factis sis consecutus. Sed illud fortassis vis tibi dicere, ut ne sustineas atq; sentias tormenta afflictationesq; illas. At quo loco id omne habendum est, ubi Deus vires ad id patienter accupide ex ipsius amore ferendum suggerit, nisi pro futura immortalitatis & beatitudinis arrhâ certissimâ Christiano homini in antecessum datâ? Nullo igitur modo, nî fallor, nobis, qui Christianum profitemur, dicendum est, optare nos inter martyres Christi non censerî, maxime si res nobis sit cum hominibus parum religiosis, quiq; ex ejusmodi sermonum exemplo occasionem ac veluti ansam arripere possint obstinandi animum in istâ suâ tam frigidâ religione, credendiq; ne nos quidem admodum illius studio fervere. Credo, te mentem meam satî percipere; itaq; plura illi declaranda verba non insumam. Id tantum te rogo, ut libertatem hanc in loquendo meam excusatam habeas, quandoquidem, ut ita tecum agam, officii mei esse duco.

Quod perscriptum est ad te, literas suas Cracoviae per aliorum volare manus, id, quod quidem sciam, apertum est mendacium, nec minus maligne excogitatum, quàm alia multa ex eadem disciplinâ profecta. Id quidem ego pro certo duco, nunquam fore, ut quieto tibi esse liceat, antequam te ab istis abrumpas. & susque deq; habens, quid homo tibi facere possit, in solo Deo, ejusq; providentiâ, recte agendo, acquiescas. Iesuitarum Cracoviae jam satî est superq;

est superque: & quantum audio, sedem hinc stabilem collocabunt. Nihil ipse contra Patrem illum Liliam scripsi, sed tantum nomine omnium nostrorum animadversiones contra theses illas ex collegio Posnaniensium Iesuitarum profectas contexui. Novi sanè, Liliam nòdum mihi nisi de nomine notum, animadversiones illas vidisse, & verba quedam emisisse, ex quibus colligendum videbatur, ipsum responsionem ad eas cogitare non quidem separatim, sed junctim cum aliis illo de argumento in publicum emittendis, & quasi aliud agendo. In iis tamen, quæ adhuc scripsit ac publicavit, responsionem illam non vidi: quanquam, ut verum fatear, nec omnia illius legi.


Placet mihi, quod in eo me consilio, quod jam ceperam, confirmes, ut ne me irretiam atq; implicem alicubi sine magnâ necessitate, additâ præsertim spe illâ, Deum fortassis id nobis daturum, ut vitæ ali-quod tempus unâ exigere liceat. O si unquam à mihi dies illucesceret, quàm me in hoc orbe felicem putarem! quàm mihi copiosum ac desideratum voluntarii mei exilii fructum colligere viderer! Ego me jam ad alterum duorum istorum locorum, quæ tu putaveras, & eum quidem, quem tu minus tutum judicaveras, contuli, quod ob multas me causas quàm possem minime hinc longinquum abire oporteret: quamvis, nisi valde fallor, periculum neq; superit neq; sit, in quocunq; tandem loco, admodum grave, multoq; levius fuisset atq; etiamnum esset, si meo consilio atq; modo res administrata fuisset.

Doleo

Dolet mihi, quod intellexerim Viennâ Cracoviam perscriptum, illic spargi, me, quod librum quendam contra magistratum scripisssem, è Polonia aufugisse, quamvis id jam previdissem. Ideoque ut remedium aliquod adhiberem ei malo, quod rumor ejusmodi rebus meis in Italiâ infligere posset, jam constitueram ad magnum Ducem principem meum, quo me purgarem, magnamq; ducem, ut causam meam apud maritum commendaret, literas exarare, prout postea feci, idq; praesidio mihi alicui auxilioq; futurum spero. Sed fiat, quod divino numini visum fuerit. Credo me ultra ea, quae disputanda fuerunt, ad literas tuas, quantum opus esset respondisse: utinam ne modo tadium tibi inconditis meis sermonibus creassem, ac praesertim illâ quoq; manu meâ, quam vix ipsemet interdum legendo satî assequor. Veneror Deum atq; oro, ut quemadmodum id tibi gratificatus est, ut jubilaum ætatis tuæ attingeres, ita etiam tibi concedat, ut in rerum longe preciosiorum majoriq; momenti possessionem redire possis, qua temet ipse exuisti, mihiq; id largiatur, ut in iis custodiis tibi alicujus vicem praestare possim, si modo eo sit opus, egoq; tali sim aptus muneri.

Vale, meq; tui amantiſſimum amore mutuo
prosequere. a. d. V I eid. Martii. anno

clbclxxxiii.



LECTORI.

Menda pauca, quæ operarum incuriâ fortè irreperunt, hic annotamus: omnia enim congerere per temporis angustiam non licuit. Tuum erit, Lector, hanc nobis operam commodare, ut cætera quoque, sicubi deprehenderis, benignè emendes.

Pag. 28. v. 4. pro *promissa* lege *præcepta*.

42. v. 18. pro *sacri* *sacri.*

v. 20. pro *u* *ut.*

46. v. 19. pro *nec* *et.*

